

**Eipeone**  
Jeffersonville, Indiana, U.S.A.  
62-0211

1 Eyalama, Onac Orman. Isirereng jo Ejakait.

Yoga atupuruc ipapero. erai naejok ajaut bobo ne toma owema atupuruc na. ido ajai eong abwoi kokau kangina apupokinit, kwape alomunia eong toma, kede aipup aidwar elosi akonye koipone loka einer angajepa, ka aijulunio naka angajepa. Kasodi eong alimokin itunga ebe ileleba agola ngin da, kanuka ngun abu eong katema, "Mam eong ajeni, mam eong enerakina kede etunganan lo" (Arai Onac Higginbotham, arai ipupunit yes etunganan ngol ejok.) "adaun apak naepol. Adaunos kwana ilapio ageun ne eyogator eong nges kede akan." Konye ngupengun nges ajai eong einer kotoma, nuabu ngesi kotema kotoma atupuruc kana, ngupengun nges ajai eong einer kotoma. Mam nges ajeni ngun. Mam eong da elopet kajeni aitodol apak edit kokau, nuabeit eong einer. Ido nges ngin, nuabu ngesi kolim kapak kangin. Kanuka ngun iyalama oni kanu aijen ebe itukokina oni ne kokiror loka Ejakait Yesu, kwap naka abebenokaKe nueyuaritos.

2 Kwana, aseseni eong luipu ebwoete, ileleba aiboisit ido inyotakina, ido mam eminakinit oni asesen nu. ido katipet nepe kipedoria oni, ilosi oni aismamaun aijulakinet kane, ekanisa loepol. Kwana, akoto eong ayangaun akiro nuko Phoenix katipet.

Ajai eong ne akuare naka kanaesabiiti ido abu eong ener kama ejai akou naka Akirot *emeesa loka Ejakait* mama ejai...eringa aijanakin naka emeesa loka Ejakait. emeesa loka Ejakait mere nges ainyam emugati, *aimor* apolouke ebe "einer kede, einer abongokin, einer kede icetunganan."

Ido kwana atupuruc na, arai etooja eong noi, kanukinyo, icetunganan aijaikin icolongoi mama ejaas ngun luebwoete, ido ibuni aisialamikin ngun, kiboikinos kesi da apak edit. Apodokinit eong -eong kanuikamunitos apak naijari oni kotoma kwana. Apodokinit eong noi noi. Ne aanyunia eong iboro luiswamasi ka nuejaas, ejai icebore tomaka yen igurun, ido ajai eong akoto ayangar apak kasodi aitam...

3 Kotoma atupuruc na, ajai eong einer kotoma akou naka akirot *Eipeone*. Ido akoto eong-eong ayangar apakika aitam aitarauun ngun kwape...apesikin nges koipone loejok cut kwape kajenia eong. Ido epuda eong ailipesiakus kwape kitukokinatar yes.

Ido kwana, akoto eong yes apukor, arai kijatatar ijo kede Ebaibuli, ido ikoto ijo aisiom nepepe keong, mama ejai esula losodit loka Iburanian, ber. Ido akoto eong aisiom ikokoron iuni lusodit luka esula losodit loka Iburanian, kosodi konyet Ageun 1:26 kede 7, kanu ayenikin ngun nepepe. Ido emamei ediotunganan loepedori alimun imodiobore yen ibusakinit alimunio dimarai kingaraki nges Edeke alimun ngun. Ido ejai ngin toma Aisiiraret naka atupuruc kana, da, naka Eipeone itunga nepepe ka Edeke. Kwana, toma Iburanian 1, kasiomata nu.

*Abu kolo Edeke kinera kalukapapaawok koponesio luipu luegelegela kotoma onabin;*

*Konye kapaarasia kanu nukawasia ener kaoni kotoma Okoku, loabu kodakak arau ekeruman loka kere, kanukeng da abu kosub akwapisinei.*

*Erai nges ailore nakaibuses naka Edeke, erai da einono loka ejauteneke, edakit iboro kere kAkirot naka akepedor. Nekedaunia aitesegaar adikanareta, kiboikin akan nakoteten naka Loejai kuju kakuj, kotoma akuj,*

Ido kwana, toma Ageun, esula esula1 kede ikokoron 27,26,27, asiomi eong nu.

*Kotoma aputowok, asimawok: kainakis kes ayait lukecor, ka akweny nuka apak, ka ibaren, ka akwap kere, ka nginibore kere yeneliat kakwap."*

*Kosub Edeke itunganan kaputoke, kaputo naka Edeke nges asubunia; kosub kes yenikiliokit ka yeniberu.*

4 Kwana, ketuluroto awokokwes kotoma apak naedit kwape kilipia. Ido ajeni eong cut ebe ejaas ipudesia luipu toma okodet loepol kwanat kalo, kanuka ngun aticepak ekeutu akaniniwok mama ejai Edeke, ingaibo ejatatar kede eipud, ido kotoma kanu itijena ebe ijatatar ijo kede eipud loipudar ijo ailip. Edeke koinak nginidiopet kayesi.

Ejakait, itukokin isio kwap naka aduketait naka ekanisa kalo, ido iyalama sio ajaut kede atunyuru kuju kosi lolo, konye abunere kosi nepepe kerai na apolou naepol adepar nu. ipupi sio ebe kwape ejaar aisumunet naka Edeke itukokina sio kwap naka abebenoka nuka Edeke Lokajaran. Ebe nges kwape ekokor irukumi imiyoi, eyuari Ngesi oni kotoma oboro kere luipuda sio Nges ayuar sio kotoma. Ebe irukumi Ngesi sio kosodi aityam sio, kosodi ainakin sio ikosinyamat luka lolo, inyammat luka emoyo ka luka akuan, tetere sio kijaun kede Agogong naidari awatekosi sio tetere kilosi kotoma akwap, kede apedor naidari naka Emoyo Lokalaunan kanu ayaun Akirot naka Edeke mama ejaas itunga lueriebi etenge. Ka anyoun kane kede Akirot ngin ejai toma akitukes kosi ka toma otauonokosi, kede akinyet nakitetet ngin naka

ainyonyoikin tetere sio ipedori alimokin luce kanuikamunitos apak naijari sio kotoma, kede ejautene loka apak. Edeke, imunokina isio Jo kaileleba. Emamei bobo aiboisit ace naideuna naepedori icetunganan alosit. Ipupi iso kwape apupia Petero, ebe apaaran nabu Yesu kotemara ebe, "Yesi da ilosete?"

Abu Petero kotema, "Ejakait, aibodo bobo kilosi? Ijo bon ijabatatar kede akiro nuka Aijar naka Ikar kere." Ido ngun nges itukokinar kokirorikon kotoma atupuruc nakalolo, naarai Ijo bon Nges ijabatatar kede akiro nuka Aijar naka Ikar Kere. Ido kilipi sio ebe ijaikini Ijo nu araun iibore ilopet mama ejai nginidiopet kasio tetere itauonokosi emulaete. Kitogogongi itauonokosi, kitangaleunai awatekosi, kitangaleunai imoyonokosi, aisiteteteun itauonokosi, kosubitete koipone lo ti ekotor Edeke sio ajaut.

5 Papa, elipi eong ebe oinak ngun luebwoete kotoma agolaik ka osiep naka arwatatin Agogong, ka ngun luebwoete kobalasa kane, elipi eong ebe oinak kes Agogong, ido kijeni ebe ejakait ikamakin nu toma atepun, nuelosete toma atekerin nuipu nuegelegela, kinga naka akwapin kede atekerin nuka akwap. Ido, Edeke, imunokina isio Ijo bon. Ijaik sio Agogong ka Akirot ka aintonyoikinio, tetere ejaun kopone kalo ikotor ijo kojaun kanu apak kana. Ibwaikini kwana isio awatekosi mama ijai Ijo, airar kosi, eporoto kosi, aijen kosi, kere luiwai sio ijaikini mamaKon, tetere ijo ibuni aswam kotoma kosi. Aswam itorite mama ijai sio kede aitodiar ejauteneKon loepol nepepe ka sio. Naarai kilipi nu kere Kokiror Loka Yesu, OkokuKon. Amen.

6 Apolou naka Akirot kana ebe *Eipeone* erai ebe, "araut ipei kede." *Eipeone*, "aimorikikina." Ido kwana, erai napena akou naka Akirot, ido Iburai aibwaikinit awomisio kere adepar Eipone loapedoritor eong ainakin nges, kede edepar naepedori idiotunganan kere kotoma akwap ainakin. Konye akoto eong aitetemun kwape awomitor eong kanuikamunitos ngun, ka nu einakini Edeke oni. Kwana, kotoma kanu, erai aisisianakin aisisianakineta. Ido mama ejaas inacan luepote airar atepu na, amuno eong ebe mam ebuni araun naituguikini, konye eraun na einakini ijo ayangar na, ayangar kede apodokinit. Ebe ilosi ijo aisisia na kotoma ailip naepol, kacoit, kosodi aipima nges kotoma omisani loka Akirot naka Edeke, kanu aanyun arai Ngun eraas nukEdeke araibo mam.

Naarai eyuunit eong ebe Eipone ngol duc ibusakinitor oni aswam, aipima iboro kede Akirot, naarai Akirot bon nges Ibore yen ebuni asalakin. Abu Yesu kotema, "Etuboros Akuj kede akwap, konye Akirot Ka mam edaun." Ngun nges eyuunitor eong Ngun, ido aiyuun Ngun kwape ainapeta nuka Edeke. Eyuunit eong ebe erai ngin aswam naka Edeke naedauna nakiwadikatai toma Akirot. Kanuka ngun, arai ejai idiobore kere yen epegasi kede Akirot ngin, mam epedori araut Edeke, arai ainapetaKe. Eyuunit eong Ngun araut ainapeta. Kwana, Emoyo Loka Edeke kotoma Akirot, einakini Akirot aijar koipone loejaar, aswam nges alopet bon. Itajaruni Akirot, bala Ekinyomit.

7 Kwana, ekiliokit losodit ka aberu nasodit kotoma omanikor loka Eden kejaasi toma aimorikikina naitegoro nepepe ka Edeke, noi adoketai na apedoria Edeke adokun kwap kotoma osawa edio kere loepudakinor Ngesi kanu einer kaiteonoro nepepe ka Adam ka Keba. Kwana, erai ngol eipoene loitegoro, Edeke kede isubaniKe, Edeke inerasi akituk kiton akit kede Adam ka Keba. Ido ajaas kesi toma aimorikikina Naitegoro nepepe ka Edeke aitodol ne araatar kesi ipei nepepe ka Edeke. Edeke kede ekaleKe araasi ipei.

Ediotunganan kede ekaleke, ekale loitenara, lokajokan, ekale loerimana erai ipei kede idiopendiope, ediokale kere. Ido arai ejai imodiobore yen etiaki kes, apolouke mam ibore ngin edolit, ebilil ekale ngon kanenice. Ibusakinit kes kere araut ipei, papa kede toto, toto kede papa, idwe kede auriak, auriak kede idwe, kere ojaas toma acamanara. Ido neiyanyunia ijo ngun, ianyuni ijo aput adiope naisimai.

8 Erai ngin alosikinet naka Edeke. Ido alosikineteKe kwape Papa loka kere, nges araut ipei kede ekaleKe, ekale loka akwap, Adam ka Keba. Ido epone ediopet bon loapedoratar kesi araut ipei kede ekale, arai kede Edeke, arai naarai kejai einono loka Edeke tomakec. Kanuka ngun abu ngin kiswamau kes kede einono loka Edeke ejai tomakec, kes bonik ka Edeke, apotu kesi kere korautu ipei. Mam kereka ngin erai aput naelayi, Edeke ejai toma okaleKe, Papa loka kakere, Loikiara kakere! Emamei atwanare, emamei ariebo naka etau, emamei idiobore; aiyalama bon namam epatana aitetemun; mam bobo adekakin, mam bobo ajaikin kede ariebo naka etau, araut bon ipei nepepe ka Edeke! koany aput! Naarai einono ngopengol loka Edeke kejai toma otunga lu. Aso kanuka ngun, nueswamaete kesi, apotu kesi kotupakisi cut koriakasi kede Edeke, ido Edeke kede kes abu koinak kes araun ipei.

9 Kwana, abu Yesu kilip, kotoma Yokana 17:11, mama ijaas yes luibwainikinete aisisianakineta nu nuka esomero loka kanaesabiti. Ajaas eong kede nuipu kakesi atupuruc kana. Yokana 17:11, abu Yesu kilip ebe Ekanisa nepepe ka Nges ti eraunos ipei kwape keraar Ngesi da ipei nepepe ka Papa. Ebe Ekanisa, oni atutubeta nuka Akuan naka Kristo, ti kiraun ipei, nepepe, kwape keraar Ngesi nepepe ka Papa ipei. Ido kapak kangin, ti oni kijenu ebe kejai Ngesi toma naka Papa...Papa kotomaKe, ka Nges da kotomawok, ebe nepepe iiraun do ipei. Otukui aimorikikina, eipeone lo ti kejaun, aanyun Edeke kotoma OkanisaKe, aitodol ne imorikikininor nginitutubet kede yenice ka Edeke. Ngol nges Ekanisa loebunit Yesu awomun. Nen nges ebongokinere ailipiKe, ebe iraun oni ipei.

10 Ido ngol bon nges Eipone loka Edicano loibwaikit Edeke kanuKe ka EkanisaKe, erai eipeoneKe nepepe ka iKetunga. Ngol bon nges Eipone loka eidicane. Ido epone ediopet bon loipedoria ijo ajaikin toma oidicane ngol, erai toma aimorikikin, aimorikikin ka Nges ikar kere. Kwape kimorikikinotor ijo kede

okilenikon, aberu aimorikikin kede okilenike, eri aiyaposit kiton atwanare. Kwana, ne do kimorikikinotor ijo nepepe ka Edeke, erai ibore ngipengin ebe kebu ekanisa kimorikikinos ka Kristo, kiton atwanare nges kitiakar. Kosodi arai mam jo idiakari, arai aswam ibore yeneronon, iraun ijo loimorikikina kede Edeke ikar kere. Ido atwanare bon epedori alemar ijo awai kama ejai Edeke, ido mere atwanare naka akuan, konye adiakar naka atwanare, ido elemari ngin ijo awai kama ejai Edeke. Kanukangun, aimorikikin kede Nges kotoma Omoyo loka apedoriKe erai ajar naikaru kere, imorikikitai ijo kEdeke ikaru kere. Oo, akoto eong adolokin toma kangin kotoma apak naeuriana. Aimorikikin ikar kere kede Edeke Loikaru kere, toma aimorikikina Naitekoro nepepe ka Nges, aimorikikina kaitekoro nepepe, Ekanisa loeraar Edeke kede EkanisaKe ipei, imorikikina nepepe.

11 Ido arai kimisiik ijo Eipone loemorikikinar Keba nepepe ka Adam, abu ngesi koraun atutubet naka Adam. Edeke, ijo abu komisiik kotoma Ageun 1:27, abu Ngesi kosub etunganan yenikiliokit ka yeniberu, abu Ngesi kosub kes. Kwana, kerai etunganan ekiliokit ka aberu ne adolokina ajaut kede emoyo loka ekiliokit ka loka aberu. Kosodi Edeke aditun amaran kosiep ke. Ijo kobu komisiik ebe atutubet naka akuan kerai ibore yen alomuni kotoma akuan, konye mere emoyo? atutubet naka akuan naka aberu arai yen alomuni akuan, ekaulo nakedaunere aisub, abu Edeke koditu amaran kama ejai Adam kosodi asubun aberu. Konye mere emoyo, emoyo kejai mama ejai Adam sek, naarai kerai ngesi yenikiliokit ka yeniberu, kinera kanuikamunitos emoyo, kerai emoyo loka ekiliokit ka loka aberu.

12 Kwana, mam kereka jo kiany aput naepol? Oni, kotoma awate, kigelegela. Irai oni bala ibore yen itolomunitai, etunganan loesubunitai, kotoma opeta lokalaunan. konye komoyo irai oni odwe ka adwe, mere emoyo ece, konye Emoyo Loka Edeke Lokajaran, ijai oni toma asimaKe, toma aimorikikinaKe, toma asima naka Edeke Lokajaran naitekoro, naarai kirai oni odwe ka adwe. Lumam etiakak, konye Emoyo ediopet Ngopengol, Edeke ediopet Ngopengol, Etunganan ediopet Ngopengol aimorikikina kotoma opeta mama ejai Loikaru kere. Ijo kiany Eipone lo abu Edeke kibwaikina ainapeta ebe mam ekoto oni ketegelikina, konye Nges! Mere etunganan ece loka ateker ace, konye aimorikikin alopel kede lualomunete kama ejai Edeke, naiswamauna kotoma aimorikikina nakalaunan. Kwana akuan elomuni kama ejai papa ka toto, konye emoyo ebunit kama ejai Edeke, Edeke etiakuni atutubeteKe, kwapekaponi kotiakunere Adam.

13 Kapaaran kangin naka pentekosit, idumuni oni ebe abu Emoyo Lokalaunan, Epir loka Akim, kotiakun Ngeselopet kosodi adoikin mama ejai ngitunganan yen okanisa kangol, Edeke imorikikin nepepe! Kosodi kede ekodet ngon loka itunga etukokina nepepe, nunyoeka iswamai ngin? Inyakuni akuan naimorikikinitai naka Ejakait Yesu. Abunere nepepe!

Ido lolo, toma atiakatiaka naepol noi najjari oni kotoma, atiakatiakaeta nuka iriongeta ka iboro kwa ngun, erai ibore yen kaitim noi, erai ileic luipu noi!

14 Imorikikinitai kotoma opeta loka Akuj mama ejai Edeke Loka ikar kere, atutubeteKe, atutubet naka Edeke. Kotoma akuan araun eong Branham kanuka papaka, Branham. Iraun ijo atutubet naka papakon ka totokon, konye kotoma omoyo, ijaun oni toma aimorikikina nepepe ka Edeke. Ngin nges apolou na mam emoyo etwania. "Ngin yen keyuuni eong ejatatar ka Ajar naka ikar kere. Ido kotoma aputo na ebe ejai Ngesi ne toma akwap, ka kotoma asimake, etajaruni eong nges kapaaran nakawasia." Mere etunganan loerai emoyo, naarai kijatatar oni kede akuan bala akuan nakaibuses naka Edeke, akuan naitubusikinitai naka Ejakait Yesu, abu kajar kotoma aputo kangin.

15 Abu Yesu kotema, ejai elosi ne edaikinitai Lasaro, "Arai Eong ajarun ka Ajar da. Ngin yen keyuuni, karaida etwanit, ejari. Ido kere yenejari kiyuu da Eong, mam bobo etwani cut. Yen iyuuni Eong, mere yen iyuuni mama ajai Eong, konye Eong." Ajaut tomaKe, aiyuun! "Arai isalito tomakang, AkiroKa da esalito tomakus." TomaKe, aiyuun! Oo, ikatunga! Amuno eong ebe isiirikini Emoyo Lokalaunan ngun mama ijai jo. Kwana, iras yesi isipan yenididi, nges idumunia ijo ebe anatar esabiiti kere, elipi ido kengisite Edeke, abu eong kaseu akou naka Akirok na, kanu aitodikin yes neibwoia oni. Aiyuun Nges. Mam jo ipedori aiyuun Nges aitodol neilomara ijo tomaKe, arai Nges alomun tomakon, kanuka ngun ijai do jo iyuunit Nges, kanuka ngun kijatatar jo ka Ajar naka ikar kere. Iyuunit ijo mama ejai Ngesi aitodol neiiaunia ijo Ajar naka ikar kere, apolouke Ajar naka ikar kere nges Ajar naka Edeke kotomakon, kanuka ngun ijai ijo iyuunit Nges.

"Yes da tomaKang, Eong kotomakus. Teteres kes eraunos ipei, kwape, Papa, kwape araar Eong ipei ka Jo." Edeke kotoma Kristo, Kristo kotoma Ekanisa. Kiany? "Kwape kiraar Oni Ipei, kanuka ngun koraunos kesi da ipei." Kanuka ngun eipone ali ipedoriata yesi araun ipei? "Arai isalito tomaKang, AkiroKa da esalito tomakus." Kiany, asalakin! "akakiro da esalito tomakus, kilipata nuikotosi kere." Naarai mam erai bobo jo, erai kwana Akirok naejai tomakon, ido Akirok Nges Edeke.

16 Kwana, erai Akirok naka Edeke Ekileng. Iburanian, esula lo 4, ebala kwangin, Iburanian 4:12. Kwana, erai Ekileng. Ido Ekileng erai loepalarit noi arai mam akan itosomai nges arai apedor. Ido...Konye eyangaikini akan aiting Ekileng. Ido oyanga ber jo akan naetingi Ekileng, erai akan naka aiyuun.

Kwana, akan naka aiyuun, elomuni kotoma Agogong naejai toma akan ngin. Ekoto akan na korai

naegogong noi aoketait naepedoria ngesi aitub aipelor amuton kosodi atemar, "Kede aiyuun, etajari eong." Erai ngin atubetai naepol, konye, arai erai ngin nges Agogong naejatatar akan ngin, aiting Ekileng, ngin nges epedoria ngesi aitub. Konye, arai erai akan ngin naegogong noi, epedori aitub aitiak nginibore kere yen ibwaikini Ajokit king angina, ainakin kanginisumunet naka Edeke aica kotoma apedor naka ajaruniKe. Arai erai ngin akan naegogong naka aiyuun, "Kapaarasia nuka kanukaumokin! Yesu Kristo Ngopengol bian, lolo, ka ikar kere," atubun erotoke aipelor juwai. Elomuni kama ejai apedor naka akan naejai kau naka Ekileng.

17 Ido Ekileng erai loekwana noi. Iburanian 4, ebala ebe, "Ekwana adepar ekileng loekwana iwaitin iarei loetubi abunore ka aloit da, kosodi alosit kiton asumet naka akoit, ido toma ailenyeta, ido erai Naemisiikini awomisio nuka etau." Elosi adepar akuan, elosi toma omoyo kosodi alemun aomisio nuka etau ka apukor kes. Emoyo Loka Edeke, Akirot naka Edeke.

Kwana, ebuni Akirot Ngin aitub aipelor toma ngina, arai ejai akan naedolit kauKe kanu aremor Nges toma, elosi adumun aiboisitiKe kosodi atubun kanginisumunet kinga ka ainakin Nges neijai ijo, arai ijatatar ijo kede akan naegoong ejok kau naka kaNgol. Ekileng, kalem Nges kede akan naka aiyuun! Koting Nges kagogong, koting kosodi alosit akonyen kalokasurup. Eipone ali epedoria lokasurup ngol lomam ekepitai aibwo kakonyen nuka Edeke Loka Ikaru kere? Kanuka ngun, oyanga jo Ekileng loka Akirot, ido kanginisumunet erai nakon, kalem Ngin kede akan nakagogong naka aiyuun, kolot ngaren! Arai ipuda jo aitangaleunio, otub angaleu ngin kinga kede Akirot, "Yesu Kristo Ngopengol bian, lolo, ka ikar kere." Arai ipuda jo aitajario, kanginisumunet naejai toma Obaibuli erai nakon. Ejai eperi kokau kangina ido ejai Satan etamit aibwa nges, konye kalem Ekileng kosodi aremor nges aipelor amuton aitodol ne ecaikina Aica naka Edeke etaukon kosodi do jo adumun aisumunet. Ebuni Ngesi aswam ngun.

18 Arai Adam atutubet naka, arai Keba arai atutubet naka Adam, arai ngesi akiring naka akiringike ka akoit naka akoitike. Ido ngin nges erai aimorikikina naibecokina. Ido ngin nges aimorikikina naibecokina naka Ekanisa, Emoyo Loka EmoyoKe, Akirot naka AkiroKe. Mam nepecepe apaar awai kama ejai Akirot, ekeyuunan lokabeit, mam ijulakini amodio Akirot. Kiitu, arai Akirot adonet bon nges abu Keba kijulak, Akirot adiopet. Konye ekeyuunan loka abeit, mam ijulakini amodio Akirot. Ebuni ngin aiting Ekileng loka aiyuun kede... kotoma aiyuun, Ekileng loka Akirot, kosodi aiburaun kanginisumunet kere naka Edeke na abu Edeke kisumun. Erai kwangin.

19 Keraas kesi aanyununeta nuka Edeke mama kija oni, nuibusakinit oni araut, kes duc ejaas, mam akurwoor. Nekeneratar kesi, abongokini Edeke. Edarenenei Edeke kes, nginipak. Kuare ne aperotor kesi kanu ajotor, edarit Edeke kes. Paaran, engarenikinit Ngesi kes, abu da kitanyam kes, komina kes, komori nepepe ka kes duc, apak kere. Ajaas kesi toma asima naka Edeke, ido kojai Edeke toma kes. Ngun kes nuesubunete aidicane. Ngun nges iswamaunete aimorikikina, erai Edeke kotoma OkanisaKe. Ngin nges aimorikikina. Ti kineri nuipu, ajatatar eong aiboisio nuipu nuebeit alosit. Aimorikikina nepepe ka Nges, erai Aijar naka ikar kere. Ido epone ediopet bon loipedoria oni aimorikikin nepepe ka Nges, nges abunere atupakin kanginikirotoKe kere. Erai ngin abeit, koyanga kanginisumunet kere kosodi aiyuun Nges.

20 Kwana, emorikikina Keba aitodol neabilia ngesi Akirot adiopet, arai abunonokin Akirot adiopet amamus araut abeit. Abu ngin kotiaka nges. Kanginikirot, "Mam etunganan ejari kanuka atap bon, konye kanuka nginikirot!" kanuka ngun ipedori oni ajaut toma naka Edeke, emorikikina, naarai Adam ka Keba, eringa aibiror, eringa amamus aiyuunio naka Akirot, arai Aanyunet na itunga luilosi oni araun kotomaKe. Aimorikikin nepepe ka Nges, erai Aijar; konye atikar awai kama ejai Ngesi, erai atwanare. Kwana, arai kitup oni aicorakinetaKe!

21 Kijeni oni ebe ibucanari oni, konye mam ebeit ijo asesen ngun. Mam ngun eraas aibucanareta kon, naarai ebeit duc ijo ajaut kede aibucanareta. Konye, itei jo, erai atupit ikisilaKe, atupit ngun nuabu Ngesi kotema ebe iswamata. Aigogolonor kede aibironor emameotor aiswamanara adiokere kede Ngin. Ebulesit lokabeit cut, arai kigogolor ngesi, enyouni bobo. Arai ewolio ngesi, iriuni Edeke nges ainyakun bobo toma orot, bonibe ejai ngesi toma orot loka epelu. Konye arai ejai ngesi awai naka erot loka epelu, mam ikamunitos Edeke nuke. Konye bonibe ejai ngesi toma orot loka aswam, ikamunitos Edeke nuke, kojeni ebe erai bon ngesi ekioliokit arai aberu. Ikamunitos Edeke nuka itunganan kangin bonibe ejai ngesi toma orot loka aswam.

22 Kwana, isinerit kwana Kristo Ekanisa kanu epeta. Mam ber edaunitai epeta, ebuni ajaun toma opucit loka imerekek. Kanuka ngun, kiseseni oni ebe isineritai Ekanisa, bala ekiliokit isupara kede aberuke. Nunyoeka iswamai ngesi kwape ejaatar kesi toma osupane? Ejai ngesi aisumun iponesio kere luka iboro, ijukanakin nges ainanakineta, ainakinite nges aipup ejok. Eebo, ngupengun kes ejai Kristo aswam mama ejai EkanisaKe. Ejai Ngesi aijukanakin oni ainanakineta nuka Emoyo. Epone ali iraar ijo naisineritai ido kongerite ijo ainanakineta nu ebe emamete? Eraas nu aanyununeta nuka amin. Eraas aanyununeta nuka Edeke mama ejai Ekanisa. Abala Kristo kwangin, "Etupanakinete aanyununeta nu luyunete."

23 Kwana, idar ngun kotoma aomisiokon. Ibusakinit Ekanisa aiyuun kanginikirot kere, kanginisumunet kere, kanginiwadikaet, kosodete aiburaun Ngun kanukec, kosodete aswam Ngun. Korai eong kesinerite

apese, ido arai eong ekiliokit loemamei aberu, ido kasodi eong aijukakin apese ngin icebore, egilut loka aisinerio, kosodi ngesi ainger ainap egilut ngol, kanuka ngun itoduni do ngin ebe mam nges emuno eong. Mam nges ekoto araut akateran. Ido arai kijukaki Kristo EkanisaKe ainanakineta nuabu Ngesi kisumunite, kosodete kesi ainger ainanakineta ngun, kosodete atemar "mam ngun eraas kwangin," mam kes ekotosi araut Ateran naka Kristo. Isupara kesi kede ece loeminasi kesi, ido mere Kristo, eteran. Kanuka ngun Ekanisa lokabeit idari aisumunet, ido idari kere, kosodete acamun ainanakineta nuijukakini Edeke mama ejaas kesi. Mam ace.

24 Kwana, itunga lusodit apotu kongeroto eidicane loka aiyuun Edeke, koipone lo amamus aiyuun AkirotoKe ka apupokin aingal naka ajokit. Kwana, ngin nges ibore yenisodit yen abu kitanang aimorikikina na aumokina na. kwana, koany, Adam ka Keba kotoma ojautene lomam atwanare ikar kere, kotoma ojautene lomam amojongiar, mam adekakin, mam aiturur.

Ipedori jo atemar, "Nabeit korai eong apedori ajaun koipone kangol." Akoto eong...ajatatar eong kede iyemuto kanukon, ijai ijo ijautene ngopengol. Ibwaikinit Edeke ngun mama ejai nginisuubat kere yen ejai toma akwap, toma ojautene ngopengol.

25 Arai acamanara biai? "Arai kiricata AkiroKa! Arai, AkirotoKa, arai kiricata Ngun, aiyuun Ngun ka aswam nuebala Ngesi!" konye apak nepesodit angerio Keba amamus aiyuun, alemar akirot adiopet kotoma kanu abu Edeke kotema, abu ngin kobil edicane kotoma aimorikikinio kangin. Ido ediodakika kere lomam ekanisa kiyuunia adiokirot kotoma Obaibuli loka Edeke, kosodi aibwaikin Ngin toma aiboisit ace, kosodete kesi abilar awai kotoma oidicane ngol loeumokina lo ainakinitali kes, ka atiakari. Katipet nepe kiswamauni Keba ngun, abu atwanare kolom toma awatekec. Mere bon toma awatekec, konye toma ajarakec naka omoyo da. Abu Keba kotiakar awai kotoma odicane kangol nepepe ka Edeke, kotoma odakika lo abu ngesi obuonokinor Akirot. Ido emamei ediotunganan loepedori aiyuun...Nges na ta! Emamei akiliokit, emamei aberu naepedori aiyuun esabet loka ajokit aitodol ne ebuonokinotor kesi Abeit naka Edeke. Kanuka ngun, itei jo, Keba, Adam, neibwaikinite ngun oni kotoma atupuruc kana?

26 Kwana kaomoomata ejok, naarai mam oni ibuni apedor aomoom nu akaulo kana, akaulo ne edaunor akuan na naetwani. Aomoom kon erai kwana. Mam jo ipedori aseun aseunet akaulo kane, Iburai ijo aseun kwana, naarai na nges apaaran naka aseun, aiswamaun aseunetekon. Kwana Keba, Akirot adiopet, mere akiro kere, konye Akirot adiopet, abu ngesi kobuonokin Edeke naarai kaponi kijaikina nges kotoma aica kangin, ebe arai Akirot ngin napedor abuonokin. Mam Akirot naka Edeke erai naebuonokinio kanuKeng, alosikinit Ngesi ngupengun nuabala Ngesi. Konye abu Keba kobuonokin ngun naarai aponi kitodikini nges, "Oo, nabeit, mam Edeke alosikinit ngun." Konye alosikinit Ngesi ngun! Elosikinit Edeke nginikirot kere naelimuni Ngesi. Ido Ngun mam erai naepedori itunganan aijul kanuke bon, erai naesalakini koipone lope abu Ngesi kolimunitor Ngun.

Eebo,, itemari ijo, "Ikonakini ijo ai kijenuni nuikamunitos Ebaibuli." Eyuunit eong ebe engareniki Edekeka Ebaibuli lo, idari Ngesi AkirotoKe. Abu Ngesi kojoni ebe elomunete lumam iyuunitos Edeke ka lumam ecamunitos ebe ejai Edeke kotoma apaarasia nukawasia, kanuka ngun abu Ngesi kidar Ngin. Arai cut koipone kangol akotor Edeke Ngun. Eipone ngon nges ejaatar Ngun kaneok kwana, ibusakinit oni aiyuun Ngun. Adiope Akirot alemar awai kaNgun, kede oni atwaniar eidicanewok, kalosete awai toma atwanare, katwaniarete eidicanewok, atiakar naikaru kere kama ejai Edeke, kwape apotu Adam ka Keba kiswamatar. Iburai oni aiyuun Abeit naka Edeke.

27 Akoto eong abongokin ngun bobo. Siri kibuonokinos Akirot adio kere naka Ebaibuli loka Edeke. Konye mam bon itemari ebe, "Eebo, eyuunit eong Ngun." Atemar ebe "konye"? Mam, emamei ibore yenikamunit ngun. Iyuu bon ijo Akirot Ngin, ibuni ijo acamun Nges. Arai kidapak ijo Akirot ngin awai, kosodi atemar ebe, "Eebo, mam ekanisaka iyuunit ngun kwangin," apolouke mam do ijo da kiyuunit Ngun kwape Akirot naka Edeke, ido ibuni jo da anyoun alosit kede Atubokinio ngipengin naabu Keba konyouniatar alosit kede. Abu jo kotiakar awai kama ejai Edeke, ido kojatatar kereka ijo kede arereng na aimorikikin nepepe ka Nges. Kwana, kiitu, ebe mam Akirot ngin erai naebuonokinio, naarai kerai Ngin Akirot adiopet, ebe, toma Akirot naka Edeke.

28 Ido, kwana, korai Edeke kojatatar kede Akiro adis nen nuabeit itunga arimar, ido kotoma Akiro ngun adis adiopet kakesi abwoikinitai erono, abu koyangau atwanare, kosesen Akiro nukijatatar oni lolo! Kiany? ibusakinit oni aijaun kanginipei kakesi kwape aisumuneta kama ejai Edeke. Ido aberu Nakabeit naka Edeke ebuni aswam ngun, ngin nabeit naisineritali. Kwana, amuno eong ebe elosete iboro ludidik lu toma aidules kwana tetere oni ipedori aikamun kes.

29 Kinyo ibore yenisodit yen abu koinak Keba amamus aiyuun Akirot naka Edeke? Kerai naarai abu Satan kisumun nges acoa naepol, "Icounete yesi." Kwana, itei jo, ejai duc etunganane emoot icebore. Ido Keba ajai emoot acoa naepol.

Kwana, abwoutu ber kanu edakika ediopet. Mam kereka ngon erai ejautene loka akwap lolo? Ekotosi kesi acoa naepol, adoketait naitelekarit, asioman naikiyara, akote icebore yen itegelikina, acoa naepol. Ngun kes nuakoto Keba. Konye akoto eong alimun nuta da, ebe emamei acoa naepedori aitelekar acoa

naka Edeke, konye kere korai naepatana adoketait na epedoriata itunga atwaniar Nges.

Satan, kwape idilar eong duc alimunan, ecai Satan konye Eijiri erai Loilorei. Oo, ejai atiaketait kiding naka aica kede ailore. Ecai Hollywood konye ilorei Ekanisa kede apedor naka Amin naka Edeke. Ecai Hollywood. Ejai atiaketait naepol kiding aica kede ailore. Mam oni ikoto aica. Ikoto oni ailore.

30 Lolo, erai naerono aomoom nu, konye etamitos ikanisan agongakina toma awomisiokec, cut kwape abu Keba kiswama. Abu Keba kowomoom, naarai keponi kijaikin mamake, asubit bala kerai ibore ilopet. Oo, mam ekoto okurwok ijo adumun na. asubit bala kerai ibore ilopet, icebore yen ti apedorio aiyatakin toma kanu abu Edeke kinerite. Asubit bala alosi ti ngesi adumun icebore yen mam Edeke alimokit nges neabeit nges adolere. Mam Edeke ainakinit Keba ekokoro loka eikor bala kwa abu Ngesi kibwaikina angolol dio mam angolol epedori aitub eikor ngon naarai ejai elap eseseni nges. Abu ngesi koomoom...aomit Keba ebe aringa ngesi ejatatar kede icebore toma alukunet, kwape kibala oni ebe, Apedori ngesi asalakinit ejai toma aimorikikina nepepe ka Edeke, konye korai naecobe, ti nges ejaun kede asioman naitelekaarit. Konye Edeke ainakinit nges ngun nuepuda ngesi kere.

Ido ainaki Edeke ibore ngiopengin mama ejai Ekanisa. Mam ngin erai amojirikinet naka oseminari, araibo alomun toma araibonat amojirikinet naelomunit kama ejai esomero loisisianakinere Ebaibuli. Konye cut nepe kiwadikatai, ka nu INERA EJAKAIT KWANATA! Mam epedorete aijulakin Ngun! Konye agongakina ikanisan toma awomisiokec. Eomitos kesi ebe aticepak erai...ejai ibore yen ibwaikinitai mamakec ido erai yen ingalai.

31 Ejai kwana eong aidareikin kane apak edit. Akwap kere ejai esipokina mama ejaas ngun. Akerianut naka akwap kana kere ejai esipo kotoma kanu eomitai. Akoto eong alimokin yen nuka akiena nuikamunitos eong elopet, mere nuka akiena; konye ijenete yesi, oni kere kimina awokongor, arai ibusakinit amin awokongor. Ido ajai eong kaseseni ainapeta ace kane apak ace kokau kokinga kangina koto, erai apak naewoj kolo, nepetai ikar iuni. Ido kotoma agolaka kadiopepaaran abu eong kanyou, ido ajai etelebision ejai toma agola. Kasodi eong aomoom, "Esubit bala erono ekuse loka ikwamin." Kasodi eong aomoom ebe, "Mam ace, kosawan iarei, ebunio aisiom iyemuto." Kasodi eong alemun itabo yenididi, abala ebe elosio aisiom iyemuto kotoma apak ace.

Agwetakini do eong iyemuto, ido ne ajaar eong apupi iyemuto, kasodi eong aanyun ebe kokiding naka asiomio naka iyemuto, apotu kesi kiyengutu kosodete ber bobo ageun agwelanar, asabuni ace nailosere. Kobakasi ebe, "Mam bobo jo ebeit ailot asaninikon amucalat, nu bon ebeit jo aswam, nges airupakin asani toma akipi, kosodi ajalakin nges iboi kanen adaun idakikan iarei, kolemoni ijo nges kede jo aibwaikin otandalo, odaun kwangin."

Abu eong kaomoom, "Alosi eong araun Lokapolon adol eong ore." Abu eong ewadik ekiror loka asabuni kangin. Kasodi eong atemar atiar, "Alosi eong alimokin akaberu, 'itei jo nuapedori eong aswam!'"

Kanuka ngun abu eong kalot kasodi agwelun ecupa loka asabuni kana, kasodi eong abukokin nges akipi. Kasodi eong alimokin aberu ainyikokin aipie etogo, alosi eong ailotar asanin kanuke. Kanuka ngun abu eong kalem asanin nuka iduwe kasodi eong alemar ararasia kotoma ka nuce ngun kere, ido emakanakina abeei toma asanin ngun, kasodi eong aidoikin asanin ngun toma akipi ajalakin eong kes aiboi kanen adaun adakikan adis, kasodi eong alemun kes aloikin otandalo. Kejaas abeei toma asanin ngun kwape kejaatar ne ebwaikina eong kes akipi. Kiany, Ti akaberu elema amuno kama ajai eong ne ti keyanyunia ngesi ngun kapak kangin.

32 Itei jo, kanukinyo akwap, kanukinyo nu...kanukinyo ejalakina akwap na itunga ingalangalao? Mam ti ebeit acamakin ngun kineri koipone kangol. Erai ngin naebilit ti ekisil. Kanuikamunitos alimoret naikamunit esigala lokativen kwana, erai ibore yenikileic, "Mam ebeit itunganan awola kotoma omotoka loedakit itunga," ngun kere. Mam ebeit ti kocamakinitete. Nunyoeka ejai ngin aswam? Ejai aingal. Ejai atwanare toma kanginidiopet kakesi. Ejai atwanare toma aimat ajon; aibu aisiol angor, eyarit, amunar naka akou toma ocupa ngol. Konye kere kocamakinitete oni aitodianar kede alimonor ngun kwape, "Loamasenenei kwaru. Aiyalama naiyatakina kotoma ajar," iponesio ice luka imaten luka ajon. Inyobo ngin? Erai ngin aingal. Erai aibwaikin icebore mama ejaas itunga kanu kes atwanikin kede. Ido kicamakinitai oni aswam ngun.

33 Ido akoto eong aibelokin ngun. Ido ikanisan da kotoma aisisianakineta nesubunitos itunga, aiyuununeta nuiswamaunitos itunga, ejai ainakin nuipu noi kotoma kangun mama ejaas itunga, ido ekerikinite itunga da acamun ngun, nueraas atwanare. Emamei ekanisa loebuni aitalaun ekonitau. Emameete aisisianakineta nuepedorete aitalaun etaukon. Aokot bon nuka Yesu Kristo kes epedorete aitalaun ekonitau, epone loitemokina Edeke ationis, erai duc loigangitai. Kanuka ngun erai bon do nukaingal, konye egongasi itunga kama ejaas aomisio nukalukacoa, ido etwakete kesi ka ngun. Ido lolo ejarete itunga kotoma aomisio nuka aiyuununeta ka iriongeta, ido imilionin luka itunga ejaas erasitos alosit abear toma aipany naemamei esange naka egiyana kosubitos bala ibegei luetubitubitai. Etukui ibore yen ileic, erai ngin. Mam ecamakinitai oni agongakina toma aomisiowok. Mam oni kipedori atamakin da.

34 Itemari ijo, "Mam do eyaitene loka itunga epedori alimun nuipu kanuikamunitos Ngun aitelekar itunganan idiopet?" mam cut, arai kinera itunganan idiope elimuni Akirot naka Edeke. Kejaas inabin akwataongon kapak adiopet akonyen nuka ikabakan iarei, ido apotu kesi kogongakinos toma aomisiokec, konye kejai ediopet loabu kosalak toma Akirot naka Edeke ido abu kitogogong ebe arai ngesi loadolit, Mikaia. Elomuni kotoma arai erai Akirot naka Edeke. Idiobore kere yen epegasi kede Akirot ngin erai yenerono, elomuni atwanare. Emamei acoa naitelekar acoa naka Edeke. Erai Nges Lokacoa kakere kama ejaas lukacoa. Nges erai ekicoi loka acoa. Nges bon erai Nelomia acoa. Akirot naka nginitunganan erai amamus aijen ka aingal, konye naka Edeke, arai epegasi kede naka Edeke. Kiany, mam erai aijen naka etunganan.

35 Epedori Satan ainakin jo iponesio luka aisumuneta kere, konye emameotor ngesi kede ibore yen einakini ngesi ijo, naarai emameotor ngesi imodiobore. Emameotor ngesi aitajario. Inyo Satan? Idiobore kere yenepegasi kede Akirot. Emamiatar ngesi keda aitajario, emamiatar Aica. Ajakanutuke erai amuton, ido angeseteke erai atwanare. Amuton ka atwanare eraas ajakanuut naka Satan. "Onac Branham, obongok ber bobo jo ngun. Inyo ajakanut naka Satan? Idiobore kere yen epegasi kede Akirot naka Edeke.

Kwana, erai ngin naetubi, konye erai kwana apak naka aitub. Kiany? atenu, Ekitoi, arai elosi nges aira araito, ibusakinit aigwerio. Adol apak.

Idiobore yenepegasi kede aicorakineta nuka Edeke, Akirot naka Edeke, mam erai yen Edeke. Inyobo ngin? Inyobo adiakar? Adolit naitaparitai. Inyobo atwanare? Aijar itapaaritai. Inyobo ajakanut naka Satan? Idiobore kere yen eyauni idiobore ayangar ewai loka Akirot naka Edeke, idiobore, asisianakin adio kere. Akirot adiopet, akirot adiopet bon. Aticepak iyuunit ijo nuce kere, eyuunit Keba akiro nuce ngun kere kilema Akirot adiopet ngin bon. Akirot adiopet ngin bon nges ajai nges abunokin. Akirot adiopet ngin bon aticepak mam jo iyuunit.

36 Kwana kaanyutu ngun. Eipone bon loka asalakin toma oidicane ngol kede Edeke, arai kanu aidar Akirot ngin. Abu Edeke kotema, "Iswamaete yesi nu. Mam yes iswamaete nu, ido ipedorete yesi nu ka aswam nu." kwana, atutubet adiopet bon naka aicorakineta na abu Keba komengerik, kosodi ageun ngun kere. Naarai abu ngesi kiswama ngun, abu kiswama nginikoku kere yeneyarit etengei yen ejai toma akwap, kanginipil kere naka atwanare, aiturur kere, ariebo adio kere naka etau. Abu Keba kiswama ngun kapak kangin. Erai ibore yenisogim noi, amaus aiyuun Akirot naka Edeke. Kanginitunganan kere yen irianar kede ariebo naka atwanare yen ejaunar, araibonat yen ebuni ajaun, abu Keba kiswama ngun. Kanginikoku yenimam edukokina, abu Keba kiswama ngun kolo, kanginikoku yen eurio kotoma...kokinga naka epeta. Kanginidiakar kere naejaunar, abu Keba idupo ngun kere iswamaunos koipone loka aricit kanginikirot kere ejok konye aiboisit adiopet. Abu ngesi kobunokin. Abu ngesi...mam nges abu kitapalu ngin. Abu ngesi kojoni ngun, konye abu bon ngesi ki...aponi kijodijodor nges aswam ibore yen ejok aitelekar naarai esumunitai nges itunga lukajokak luka adoketait naitelekarit, acoa naitelekarit, ajenun nuipu kanuikamunitos Akirot naka Edeke arai kiswama ngesi nu. "Ijanakinakakosi eraas luesiomitos noi. Kijatatar isio adoketait naitelekarit."

Emamei adoketait naitelekarit kakere naka itunga kotoma akwap kilema ngun bon luericitos Akirot naka Edeke. Ngun kes lukajokak kakere. Ngin bon nges adoketait naeseseni Edeke. Apak edit ebuni aticepak ecamakini oni Edeke adolokin toma.

37 Ajakanutuke mam epedori aisumunikin idiobore kilema atwanare. Kes ngun bon ejatatar Satan. Isumuni ngesi aingal naarai erai ngesi papa loka aingal. Mam nges epedori ainakin jo Aijar. Mam nges epedori ainakin jo Akuj, emameotor ngesi kede Akuj na einakini jo.

Koomom ber jo ngun! Akirot Adiopet, amamus aiyuun Edeke ka nu aisumunet naka ajokit arai luitosomai ngesi, Akirot adiopet, nges ijukari jo toma aiticanio. Epone ngol nges ageunia. Arai ber Edeke kede aitimiKe, ijukuni egiana toma akwap, kosodi asubun idwe ludidik lueyarit etengei, etiai nuiponesio kere, kede itunga lueriebi etengei, ido ejai atwanare toma akwap, kanuka akirot adiopet, kotoma ageunet mam apedori abu Ngesi kosesen ngun kosodi alomun kinga naka aiticanio naepol? Mam tope ti Nges kiswama ngun? Kanuka ngun arai mam Nges abu kopalite Akirot adiopet kangina, naarai ajeni Ngesi nualosete alomun kotoma, epone ali mam Nges kitimia Akirot adiopet ne elosia itunganan ilopet araut loitori toma ocan kanuke bon, lomam iyuuni. Koomom ber jo ngun. Erai ibore yenepol noi.

38 Ne apupokinatar Adam ka Keba aingal naka ajokit, abu asima nakalaunan naka Edeke kojai kes, abu eidicanekec kede Edeke kobila. Kotoma apak nape apupokinaiata kesi aingal naka ajokit, abu ngin kobil eidicanekec. Ido apak nape ipupokina ijo aingal naka ajokit, ebili ngin eidicanekec. Apak ngipengin nges inyounia ijo kama ejai Edeke, kwape abu Keba kiswama, nges na ikurwora ijo ayangar Akirot naka Edeke kwape ejaar.

39 Kwana, koany, akoto eong aingit yes icebore. Kijeni oni kere ebe ejai Edeke. Ido arai erai Edeke loka abeit kede Akirotoke, ido kolosikinite Ngesi ebe elosi Ngesi atubokin itunga kede Akirotoke, kanuka ngun ejai Nges aidar Akirot ngin kanenice kanu atubokina itunga. Ebaibuli lo erai ngun. Siri ngun kimurwokisi

yes. Erai Ebaibuli nges elosi Edeke aitosom kanu atubokina itunga, naarai abu Akirot kobala kotoma Apukokinio 22, "Ngin yen elemari akirot adiopet kotomaKe arai aiyatakin akirot adiopet tomaKe."

Kiany, mere atemar, "Eebo, alosi eong okanisa. Eyuunit eong. Eyuunit eong Edeke." Kanukinyo kanginijokit kotoma ogiyana iyuunit Nges. Kanginipei kakesi idiinikit, kanginipei.

40 Konye eyangaikini akirot adiopet bon, nges ebili eidicane kanepakanen. Mam erikot egogong aitelekar arucokineteke na enonok. Ido neejaar anonokukon toma abilibik Akirot naka Edeke, nen nges ikoto do ijo aibwaikin arucokinetekon nakitetet, kogogong kede nenice nen kere. Arai kiyuunit ijo ebe itajari Yesu Kristo, kanuka ngunibusakinit jo aibwaikin arucokinet nen naiyuunit ebe itangalei Yesu. Arai kiyuunit ijo ebe kejai kolo Ngesi, ibusakinit jo aiyuun ebe ejai Ngesi kwana. Haleluya! Arai kiyuunit ijo ebe kejai kolo Ngesi, ido kinomanari arai ejai Ngesi kwana, ebuni arucokinet ngin abila, kanuka ngun iwolio do jo. Yesi kianyutu nuabala eong? Erai naesipo, erai naegogong, konye erai Abeit. Iburai jo aiyuun Nges, kanginikirot, kanginibore kere yen abu Ngesi kotema.

41 Kwana, itemari ijo, "Eebo, kwana, Onac Branham, dobodo iriongeta lu?" eebo, kwana kopupok. Arai kejaas kesi kede Akirot na, ejok. Konye arai kengeroto kesi Akirot ngin, kanuka ngun mam erai naejok, erai ajokit bobo. Kiany?

"Dobodo ekanisa *mutan* ka *mutan*?" mam eong ajeni nuikamunitos ekanisa ngol. Ibore bon yen ajeni eong nuikamunitos nges AkirotoKe. Kwana, epone alibo kilosia jo aiyuun ekanisa ido kojaas iriongeta luegelegela luedeparito akwatakanyikaongon ka ice, ido kanginipei ebala ebe, "Erionget kosi nges ejatatar kede abeit Alopel"?

Kwana aibodo ti kilosi ijo? Ejai joajaun kede aiyuun mama ejai icebore. Eebo, itemari ijo, "Eyuunit eong Methodist, Baptist, Presbyterian, Lutheran, Pentecostal, Katolik," ediodiini kere loerai ngesi. Iyuunit ijo orionget ngol, ido, arai erai ngol loepegasi kede Akirot, ijai jo da aswam ngupengun nuabu Keba kismama. Cut cut! Ijai jo aswam ngupengun nuabu ngesi kismama, ayangar Akirot naka Edeke kede aituluor Nges...

42 "Eebo, ejai adoketait naitelekarit naka itunga luelosete ne, erai na aduketait naepol. Eraas kesi ikiliok luecobe." Emamei kes idiobore iswamaete kangun. Ecobe Satana noi aitelekar Keba. Mam Keba abu... amamei ber da. Konye mam abeit Keba araut naecobe, arai ngesi nabeit arimarit bon. Mam ebeit oni araut luitosomai acoa. Abu Yesu kotema ebe odwe luka akwap kana, arai, ajakanut naka akwap kana erai nakacoa, odwe luka amuton aitelekar odwe luka Aica. Itupusitai oni kede amerekekin. Mam ber amerekekin epedoritos aingarenikin awatekec, ejai kes ajaut kede ecokon. Mam Edeke ekoto oni araut luitosomai acoa, ekoto Ngesi oni agongakina nejai amisiikiniKe, amen, neingareninini Ngesi. Amen. Yesi kiyanyutu aitupuset? Sirikigongasi kama aomisiokus. Awaragasia 5,3. Sirikigongasi kama aomisiokus, ogangikinos mama ejaas AomisiKe. Mam ace karaida esubit bala epaarit biai, ido mam ace apolis naka aica naicai noi kokinga kane, siri kibwaiki aijenekon toma kangin. Ogongakin toma AomisiKe, nuinerit Ngesi kes eraas Abeit.

43 Kwana, abu eipeone kotoma oidicane kobila kiding Edeke ekede odweKe, edakika ngopengol lo abu ya kobuonokinor atiakunet adiopet naka Akirot, Akirot adiopet naka Edeke. Kanginitunganan kojenu ngun, kotemasi "Amen." [Kotemari ekodet "Amen."] Mere Ebaibuli; ipedori jo atemar ebe, "Mam eong eyuunit Ebaibuli nepecepe. Eyuunit eong atutubet naka Ebaibuli." Ajai Keba aiyuun Ebaibuli kere, kaginikirot kotomaKe.

Mere ngun bon, konye keponi kebili eipeone kiding ekiliokit kede aberu. Mam eong eyuunit bala ejai edukone edio loepedori araun lo ti ebusakinit nges araun komamei aimorikikina kiding ekiliokit kede aberu ka Edeke. Erai ngin abeit. Itopolounete kesi idwe kotoma akwapin, kosodete aituluor kes idwe luka okale, einakinete kes isigalan, ajon, abolia akaadin kosesenete idwe. Mama ace karaida erimaritos kesi biai aiyaposiakec nuka edukone, erai ngin kotoma aelo, erai ngin akuan. Konye ejai emoyo toma ngina, emoyo ngol erai loka papa ka toto naerai adiakanaan, mam ace arai eraas idwekec luerimaritos biai, epote erokata.

44 Eebo, ipedori ijo atemar ebe, "Ajani eong angor kede ikiliok lumam apotu kisisianakisi idwekec ngun konye mam eraas Ikristayon." Kanupe mam kes aingarenikin idwe ngun mama ejai Kristo nges ibore yenaronon kakere yen apotu kesi kismamata aitelekar iboro luce kere; mam aingarenikin kes mama ejai Kristo, kiany. kanuka ngun mam yes ipedorete ajaun kede aimorikikina naibecokina komamei ngin. Abila eidicane.

Kanuka ngun katipet nepe ebilar eidicane kiding Adam ka Keba...katipet nepe ebila eidicane kiding Edeke kede kes, kanepakanen kobila eidicane kokidingikec da.

Kopupok! Ediosawa kere loebilia Ekanisa eidicaneke, ailokin araun erionget, ebila eidicane loka ikeyuunak. Ibusakinit oni aiyuun ngun kede etau ediopet, aijen adiopet, ka aimorikikina adiopet. Epone ngol kejatatar kesi sek eringa aimorikikina kismamaunia kapaaran naka Pentecost; etau ediopet, aijen



adiopet, aimorikikina adiopet. Ido neituluorata yesi ekanisa araun erionget, ilosete yesi adumun iponesio kere luka atiakatiakaeta kotomake. Naarai ice kotoma odwe kangul elosete aiyuun Edeke kotoma kanen, elosete kesi aimakakin mama ejai ibore yen edolit ido luce ebearete ewai je. Kanuka ngun, emamei do yes aimor eidicane. Eebo.

45 Inyo? Abu aoomoom naka Keba kijulakin. Oo, eebo, abu aoomoomoke kijulakin. Eidicaneke kede okilenike mam bobo ebekokina. Kogeunete kesi aikoponar aitoronio. Kiany? abu cut aoomoom naka Keba kijulakin. Kanukinyo? Ajatatar ngesi kede ajar naka ajokit tomake. Abeit cut! Nepe emengerikini ngesi Akirot naka Edeke, abu ngesi kocamu ajar naka ajokit naarai abu ngesi kocamu aisisianakin ke.

Apedori eong aitigogong na cut kane, konye ejakai aikamakin atepu. Ajeni eong cut ebe imisiikinitos yesi, Ekanisa.

Abu Keba komengerik Akirot naka Edeke ido abu ngin kolema nges awai kama ejai Edeke, naarai kapak kangin do ajai ajar naka ajokit tomake. Kedaunit ngesi aiyuun aingal, ebal, "Ejok araitoit," konyamata Keba ka nges. Erai ngin abeit.

46 Mam eong alosi aibwa Nu, alosi eong acamakin Kes kopotu kopekwangin. Mam eong apedori. Kapaaran kaya kangina ko California, abala eong ebe ko Arizona, ajai eong kesisianakini kotoma okanisa. Mam eong kalimunitor idiobore kotoma ainyonyoikinio yen etemuni eong aitoronokin kanukeng. Luipu kotoma kojanakinak apotu kotupakis eong kanuikamunitos ekinyomit loka Satan, ekinyomit loka emun. "Ajai aberu enyami araitoit naka Apple." Huh! Ngun, eebo, abu Kain da koomite kopekwangin, abu ngesi da koyangau araito nuka emanikor toma, itei jo. Mam arai araitoit naka apple! Ikwaikini Keba kejenuni ebe kemujalal ngesi biai? Idaunit oni aitor toma kangun. Kerai cut aelo. Katipet, komisiikini ngesi ebe kemujalal. Kosodi ngesi adumun ikoku kede emun, lomam kereka arai loeliat, kerai ngesi lokepiriana aitelear itiang kere luka ais. Kerai emun ibore yen etupakinit etunganan. Epedori etunganan adumun idokolen ka icomon, ka kere luepedori ngesi adumun, konye akurwoki kes adumun arucokinet ngin naerucokinit etunganan kede etiang nepepe. Nen nges ejai emun. Abu Edeke kiken nges mam bobo nges epedori abongun bobo, ejaas ngun mama ejai ngesi kanuka aswamisioit naronon naabu ngesi kismama. kerai Ekinyomit loka emun bon nges apedori ainyalakin kede etunganan.

47 Kwana, kapaaran kaya, ajai eong abwoi, kalimonokini, ajai atukos naka Itulikin toma okodet, kasodi eong alimun, "Yes Itulikin luinyaratos 'Maria toto naka Edeke,' Eipone ali epedoria Edeke ajaut kede toto korai Ngesi Lomam etwani? Mam Nges epedori ajaut kede toto. Mam ber Yesu arai idiobore mama ejai Maria, konye arai bon Ngesi...arai Maria akerukuman nabu kobeku Nges."

Eebo, eyuunito duc kesi, ido mam eong da kajeni elopet kolo, ebe, aisisianikin naka katolik kerai ebe abu Edeke kirukum Maria kosodi aibwaikin ikinyomit toma angina, konye abet ebunit kama ejai aberu. Arai kebunit abet kama ejai aberu, ekoto kojai icebore yen eyangauni abeet kiton auries. Itei jo nuiswamaete yesi kede Edeke? Ituluorete yesi Nges ibore yen alomuni kotoma aelo. Edeke, loasubi Ekinyomit, Nges asubi abeet da. Emuron loka edekis, eyangaikini awokot nuka ekiliokit kede nuka aberu. Erai ngin abeit.

48 Eebo, kanuka ngun, arai itolomunit aberu abeet, kanu bodo inyio atemara Daudi ebe, "Mam eong acamakini Lokalaunanika aanyun aibos, mam da kajalakini etauKe kotoma ogiyana"? Kanuka ngun arai ejai abeet naka aberu toma naka Kristo, apolouke ejai etunganan nuebeit aswam kotoma atutubet na kotoma ajarun, ne engetakinor kere kede Edeke. Kanukinyo ekeunia Edeke aiboisit ngin naka aelo naka itunganan? Kotoma ajarun, kanukinyo mam Edeke abu kojalakina akuaniKe aibos? Naarai kelaunit Ngesi. Ido ekwaikini Ngesi eraun lokalaunan arai kejauna Ngesi kede nuawomit nepepe ka Maria, ido aokot kelomunitos kama ejai Maria, kosodi abeet aitor toma Alomar auris? Akoto kojai ti ibore ngipengin kanu ayaun abeet kwap. Apolouke nges do tikeraunor aberu..."

Eebo, ipedori jo atemar, "Aticepak ajai abeet nen. Epedori ngin aticepak kojai nen." Konye ngin, arai erai kwangin, apolouke koany nuetakanunete kane, mam bodo Nges arai Edeke, karaida kerai Ngesi etunganan. Konye do korai ngun kojauna koipone kangol, apolouke ajatar aberu icebore toma naka kangun. Ido ikinyomit ilopet yen alomuni kama ejai Maria, yen alomuni kama ejai totoke, ka totoke, ka totoke, arai ibore yenetunganan yen enyalakina tomake, yenajatatar kede eipud loka etunganan. Mam ti keraun. Mam, ipa. abala eong ebe, "Kerai ya bon..."

49 Esubit kwape kiyangara jo emorukalet, kosodi ijo ainakin nges aurun abeet, akaulo koinakini ijo akokor airukum abeet ngin. Konye amamei imodiobore yen ikamunit ngun, emorukalet naerai akokor. Mam, ipa. Akokor arai...ti jo kipedo aenikin ikingok yenididi kuju naka abeet naka ikweny, ido ti ebeku ikweny, ti ikinyok ngin kebeku ikweny. Arai amwanis naka akuan nges abu kobeku abeet.

Ido Eipone ngopengol ejaar kede Yesu. Arai Maria bon naerukumi abeet ngin, abu Edeke kitosom nges kwape kitosoma Ngesi adioberu kere. Kerai ngesi abekot, mam nges aurit idwe. Abu Ngesi kobu toma auris nakerai abekot, konye Edeke lokasuban nges abu kosub abeet kede Ekinyomit, abu Ngesi kosub. Kanuka ngun, arai apotun namam amunauna.

50 Ne alomunia eong kinga, ajena bo ajena, ijeni ijo, ajaas inacan idaritos eong. Apotu kotemasi ebe, "Onac Branham, akoto eong aingit ijo icebore. Abu jo kismawau aibucaret. Kwana idau sio aikamun ijo."

Abu eong katema, "Mam ace, ngun kes nuakoto eong, aikamunio."

Abu jo ibuca kotoma alimun nu, neilimonokina jo *Aur naka emun*. Kwana ibala ijo ebe arai abeet ngin naka...Edeke nges asubunit abeet ngin. Inyo abu kismawaun, idumuni oni kane kotoma Ageun esula 3, abu Edeke kotema Maria atiar, 'Alosi eong aibwaikin asurup kiding naka aurikon kede aur naka emun.'

Abu eong kaomoom, "Oo, ikatunga!" Mam eong alimonokinitor idiobore kokwap naka ainyonyoikinio yen ajai eong aitoronikin kanukeng, naarai mam eong agongakina toma aomisioka elopet. Ido arai kepegasi aomisioka kede Akirot naka Edeke, apolouke eraas aomisioka nuibucara iburai korai Akirot naka Edeke. Arai mam erai, kojalak ngin koiponeke, mam erai naibusakinit. Konye kwana nuibusakinit ijo aswam nges acilar ngun. Kotoma otauka abu eong katema ebe, "Papa Lokokuju, ingarak eong. Mam eong ajeni nuswama kane. Ajatatar je kede ekokoro, lo adodit ngesi kede ebokoritike, "Ebwaikini eong adinget kiding aurikon kede aur naka emun."

51 Kwana, nges na kane! abu Emoyo Lokalaunan kikuny. Eyuunit eong ebe arai Emoyo ngopengol loabu korapia Maria, Loapedori aibus, epedori bobo Ngesi aibwaikin Akirot toma akitukukon. Agongakina eong mamaKe kanginipak. Ido erai duc AkirotoKe. Mam Nges epedori alimun e...icebore yenepegasi kede AkirotoKe. Kanuka ngun arai ibala ijo ebe irai jo loinyonyoikinitai, ido kolimonokini ijo asurokinit Abeit naka Edeke, kanuka ngun mama erai ainyonyoikinio naka Emoyo Lokalaunan, naarai neerapiara jo Emoyo Lokalaunan, eyangauni Ngesi ibore ngipengin, naarai erai Ngin AkirotoKe.

52 Kopupokisi. Inyo abu kismawaun? Abu eong katema, "Mam ace, akoto eong aingit jo icebore. Aberu emameototor kede abeet. Emamei ngesi Icofat. Abu Ngesi kotema kwana, mam Nges abu kotema ebe 'abeet', 'abu Ngesi kotema ebe icofat kon.' Ido amameotor aberu kede Icofat."

Eyangaikini aimorikikin aismawaun aur. Ngin erai abeit, emuron? Ejai araut kwangin. Arai kijatatar ijo kede ecokat kinga ne, komameiotor aijar adiokere kotomake, kosodi ijo airaikin nges kinga ne, mam ti kelomu, ti kesalaki kwap kosodi aibus. Ido mam jo ipedori airaikin aijar komamei ecokat. Kanu kangun, itei jo, ibore ngin kere erai aimorikikin. Ajai kwana eong atamit alimokin ijo nuikamunitos Kristo kede Ekanisa. Erai aimorikikin. Kiany, arai erai aberu Ekinyomitike obe, apolouke mam nges ipuda ekiliokit, epedori ngesi aurun ikokuke nges alopel bon koiponeke. Konye, mam nges epedori araut, mam nges epedori aurun ikoku aitodol ne ejanarotor ngesi kede ekiliokit, naarai eyangaikini iarei nepepe kanu aismawaun aur. Ngin erai abeit? Iraik bo jo ecokat komamei aijar kotomake, koany nuepote aismawaun.

53 Kwape ejaatatar kesi kede alimunet na ebe aberu na auriei ingwoko lu. Kiany, mam ti kejarata. Mam ti nepepepe, naarai, kiany, mam aokotogun inyalakinos.

Kwana, komisiik na kwana, emamiatar aberu kede icofat. Kanuka ngun, abu do Ngesi kotema, "Ebwaikini Eong asurup kiding aurikon kede aur naka emun." Ajai alimokin nges ebe alosi Ngesi elopel ainakin nges icofat, mere kotoma aelo, alosi Ngesi asubakin Ekinyomit toma naka aberu. Eebo, ipedori jo atemar, "Ngol tope arai icofat Ke?" Eebo. Ti keraun loka Maria akaulo na Nges ainakin nges. Erai na akonguka, abu Ngesi koinak eong akongu na. erai naka, konye abu Ngesi koinak eong. Erai na akanika, abu Ngesi koinak eong. Erai lo eporotoka, konye abu Ngesi koinak eong. Kiany? Ido icofat ngin, Maria... amamei aismawanara kede Maria. Arai ibore yen abu Edeke kismawa Nges elopel.

54 Kanuka ngun Icofat yenejai tomake kapak kangin, arai aimorikikin naka aswamisioit namam ecamakinitai, na da arai atwanare. Kedaunit ngesi apotun kede Icofat yenika emun, naarai adaunit ngesi aibo kede e...Ido abu ngesi kibelokin kosodi atemar, nges alopel, "Emun nges abu kijodijod eong." Erai ngin abeit. Ido, katipet olomuni Kain.

Oo, kijeni oni ebe abu Keba kotema ebe adumunit ngesi ikoku kama ejai Edeke. Nabeit, kanginikoku yeneurunio, lukokale kede luce ngun kere, ejai alomun kitorite toma aswamisioit naka Edeke. Nges bon epedori asubun aijar. Eebo, erai ngin abeit.

Kiany, abeit nges araun toto sek. Ido mam ngun apotu...bon nuabu ngin kismawa, arai aitacaun ibore yen Icofat yenika emun. "Icofat yenejai tomakon kopekwana erai apotun, aswamisioitikon namam ecamakinitai naemengerikinit AkirotoKa, kede ibore yen, ido kwana idau jo adumun aur naka emun. Konye abuni eong ainakin ijo Icofat kotoma apotun namam emunaunitai, ido aur Ke ebuni aidecided akou naka emun, ido akouke ebuni aidecided atatibat." Amen. Ojalak Edeke kismawa ngun, arai erai AkirotoKe ebuni Ngesi aitodolikin ngun.

55 Kanuka ngun nges ibusakinitor ijo ajaut toma aimorikikina kede Edeke, ngin nges apolou na abu Petero kotemara kapak naka Pentekosit, akaulo na atemara Yesu ebe, "Kibatisaete kes Kokiror loka Papa, Okoku, ka Emoyo Lokalaunan nges Ejakait Yesu Kristo. Itei jo ngun? Eyangaikini aimorikikin.

Mam Paul keanyunitor Petero, konye Emoyo Lokalaunan ediopel Ngopengol, kotoma aimorikikina

adiopet ngipengin (aibuses!), abu koinak nges da alimun ibore ngipengin. "Yesi kidumutu Emoyo Lokalaunan ageun nakiyuuniata?"

Kotema ngesi atiar, "Mam sio kijeni arai ejai tope."

Kotema ngesi, "Kibatisatai bodo yes biai?"

Ebala ebe, "Aibatisao naka Yokana."

Ebala ebe, "Ejai kwana yes aibatisaun bobo, Kokiror loka Yesu Kristo." Kodumunete kesi Emoyo Lokalaunan.

Inyo arai ngin? Aimorikikin, einer ibore ngipengin yen inera Edeke! Ido ngin nges alimoret. *Alimor* apolouke ebe, "alimun ibore ngipengin." Ido erai Ngesi Esasedoti Lopeti loka kanuilimonori oni, kanu aswam ngun nualimu Ngesi. Kitemari oni ebe erai Ngun Abeit, ido iswamai Ngesi ngun. Oo, ikatunga! Aso bodo jo. Nen nges ejai amisiikin.

56 Kwana, kosesen Eipone lo abu aimorikikina kiding nges kede okilenike kobilar. Kiany, katipet nepe etemari Edeke ebe, "Adam kanukinyo kiswamauna ijo nu?" aiboisit na ti ayuar akeberu, abu ngesi ikopa aitoronet mama ejai aberuke. "Aberu nainakini ijo eong." Abu aimorikikina kobila. Kiany?

Nunyoeka abu ngin kiswama? Aiboisit na ti amin okilenike kede limokin nges abeit, abu kiner aingal. Abeit ti nges alimun ebe, "Emamei nges adiakaret, eong nges abu kainak nges, kosodi ngesi ainyam, konye arai eong nges abu ainak nges." Aiboisit na ti aswam ngun, abu ngesi ikopa aitoronet mama ejai emun, ainac nayapiei kakere.

57 Ngipengin ibore etamete kesi aswam lolo da. Kiany, ekiliokit ka aberu, abila aimorikikina. Ekiliokit kede aberu, abila eidicane kokidingikes. Eipeonekec aponi kobili, eipeone kiding kes ka Edeke aponi kibili, aponi kimodimodai ngun kere. Kanukinyo? Naarai mam aponi kiyuunai Akirot adiopet. Oo, onac, ikatunga! Eebo, abeit ti nges einer Abeit. Adaunit eipeone kiding nges kede ekilenike anyoun, ido eipeone kiding kes ka Edeke da adaunit anyoun. Ido kanginikanisa lomam eyangari Akirot naka Edeke kaileleba, ajai ibore iswamaun. Amina eong ngin, mam kere yes kiminaasi?

58 Kosesen ekiyaike, Kain, ekaaran, ekasabat, ka loingalingalei, loirumit ekokote, erumit ekokote kanuka onaceke. Aricit onaceke aicorakineta nuka Edeke, ido aiswamaikinit Edeke nges ailucek koipone loka aiyar asubanit kosodi ainakin ngin kwape asubanit kanukec. Kosesen amamus aijen nuka kangun kwana, naka Satan, abu kotamak ebe aicec icebore. Edeke, ebala Ebaibuli, abu kolot kosodi asubakin kes inapen kama ejaas imukulen; kanu adumun imukulen ngun, ajai icebore atwanare. Atamit adam asubun inapen kanuke kama ejaas akwii nuka etiini. Mam ngun apotu kopedosi aswam, aijar naka iraan. Aijar, aijar naelosi nges abeit atwanare. Kanuka ngun abu Ngesi koar aijar naejesuna adoketai, ido kobala kotoma kenen ebe "Apaaran ace, eponio ainakin Aijaraka obe kanukus, Aijar alopet na inyakakini aimorikikina na bobo." Kwana, ibuni oni adolokin mama ejai ngin kotoma odakikan idis, kitajok Edeke. "Kiany, aijar naka imerekek na. kwana, kiswaparos kede lo ido kibwata akusimujalal." "Mam ibusakinit yes ainyam apples"? Amamus aijen! Kiany? "Kiswaparos kede imukulen lu." Ajai Nges aiyar icebore.

59 Ido okoku loka Satan, mam abu kobu koipone kalo akotor Edeke, abu kobu. Ediopone loikotor ijo alimun ngun kere, konye arai ngol okoku loka Satan, 'naarai, aipioror ngin naka Adam mama ejai Edeke mam ti keyangau ibore kwanat kangin. Kosesen kwana okoku loka Satan, etamit aiswamaun alucet, abu kobongu kede ibore ngipengin yen ebakasi itunga luipu lolo ebe kerai apples kede araito nuka alup, kanu ainakin asubanit kwape alucet, ibore yenimukei.

Ido nunyoeka abu Abel lokadoliton kiswama? Ajeni nges ebe mam arai ibore kwanat kangin ebe ainyam araito. Arai ngesi awokot nuka totoke ka papake, aijarakec. Kanuka ngun abu nges koyau imerekek, kwape abu Edeke da koyauna imerekek. Aleluya! Abu ngesi koricite Akirot naka Edeke, kirum da Kain ekokote kanuke.

Ibore ngipengin iswama lolo! Kolom toma naka asubanit naka aokot ngin, Akirot ngin naka Edeke, nu bon ebala Ngesi, kosalak toma kaNgun. Luipu kakesi ti kiyuutu asubanit ngin naka aokot, abeit, konye etemarete ice nuitegelikina kotoma Akirot, etemarete ebe, "Oo, mam, mam eong eyuunit ngun. Uh-huh, era ngun-eraas ngun nuka apaaran ace." Ajokit namojong yapeya, icoa yepemojong yi, kidareu aitodol neidaunia oni nu. koany, abu ngesi kobu kwapekwangin.

60 Konye Kain, kotoma orotinique luka abanganut, konye kotoma orotinique luka epali, abu kingalingal, kosodi ayaun araito. Abu Adam kidar e...abu Abel koricite Akirot naka Edeke, abu koyau imerekek. Kotema Edeke atiar, "Edolit ngin, Adam, iricit ijo...Arai, Abel, iricit ijo AkirotoKa." Kain, kijeni ijo ebe mam arai...Aibo abu eong kalemuna akwii ace nuka etiini kwa abu papakon kotamitor aswam? Ijatatar ijo kede atukos naka itiinin, aimuria, arai apples arai kere nuijatatar ijo kede kane. Ido kwana, abu papakon kolemu akwi kama ejai Ekitoi, kanu aitam ebe aiswamaun alucet, ido kwana ijoda lo ijai itamit alemun araito kama ejai Ekitoi." Mam arai ngin! Arai aokot nuelomunitos kama ejai aijar.

61 Oo, abu Edeke koyangau ngun kwap, ebala, "Nges nata." Kosodi Abel ainakini asubanit naebusakinit. Kirum onaceke ekokote kanuke. Koany nuabu ngesi kiswama, abu koar onaceke. Abu Edeke kitonyou ece bobo; bala atwanare, anukio, ka ajarun naka Kristo. Kosesen. Edeke kapak kangin, abu...nunyoeka abu Edeke kolimok Adam ka Keba? "inyikokisi, kouriata kilelebata akwap." Isiarakisi etunganane anatar akwap kere, tetere Nges iswamanar nepepe ka kes idiopendiope aitodol ne inyagakina Ngesi kes nepepe. Aiswamanar kede itunga, itunga kwape idiopendiope, nginitunganan. Konye mam kes akotosi kwangin.

Mam itwaniari Apukokinio na. abu Edeke kocamak ngun aiswamaun. Korai yesi koanyutu nu koipone kalo asesena eong ngun.

62 Kiany, mam arai Edeke, mam Edeke iswamanar kede itunganan kotoma atukos. Mam Edeke iswamanar kede ijo kotoma orionget. Iswamanar Ngesi kede ijo kwape itunganan, itunganan. Kibatisatai oni kede Emoyo Lokalaunan kanginidiopet kwape itunganan. Kanginipei kwape itunganan ibatisatai kede Emoyo Lokalaunan, Edeke kiswamanaros kede nginipei. Arai ngin alosikineteKe, aisiarakin kes anatar akwap kere, tetere Nges epedori aiswamanar kede nginipei kakesi kwape itunganan.

Konye, aiboisit na ti kangun, nunyoeka apotu kiswamaunos? Ajai Edeke atiakar itunga luka Kain kama ekaas itunga luka Set. Abu Ngesi kirengea Kain awai. Abu Ngesi kotiaka kes tetere Nges epedori aiswamanar kede EkanisaKe. Kosesen, aponi ketiakar Kain. Kwana koany. Abu Edeke kotiaka Kain lokaronon loka Keba kama ejai Set lokalaunan loka Adam. Oo! Ngesi abu kiswama ngun? Kotoma aswamisioit namam acamakinitai, aberu na aiboi kede icetunganan kosodi aurun ikoku. Abu Edeke kotiaka ikoku ngin kede aturioke kama ejai etunganan lokadoliton lokalaunan, odweke.

Ibore ngipengin ejai lolo da, aitiak, atiakar, abu kodum kes, mam kes ajaas toma aimorikikina. Mam kes apedorete ajaut kede aimorikikina. Apaaran tope epedorete aimorikikin kede apaaran? Ekeyunan epedori tope aimorikikin kede ekapirit? Epedori tope etunganan loiyuunit Akirot kere naka Edeke aimorikikin kede etunganan loiyuunit atutubet naka Akirot naka Edeke? Ekoto Edeke luetiakatiakaete.

63 Kwana, arai Kain okoku loka Keba, kotema ya, "Adum eong etelepat." Konye Set arai okoku loka Adam. Ido abu Edeke kotiak kes naarai mam Nges apedori acamakin kes...Kanukinyo, tikemunaunos, idwe luka Kain lukaronok tiemunautu odwe luka Set lukajokak. Erai ngin abeit.

Kwana kosesen! Ajokit ngipengin namojong naobu koinak Keba aibil adiope Akirot naka Edeke, kosodi alimokin kes atiak, kosodete ajar nginitunganan koiponeke, ajokit ngipengin nges abu kobu toma akidingosikec kosodi aimorikikin bobo kes. Yesi apotu komisiikisi ngin? Kotemasi "Amen" arai abu jo komisiikinite. [Kotemari ekodet, "Amen."] Abu kimorikik kes bobo kotoma aimorikikin naka aingal, aswamisioit naka Edeke...asurokin ainapeta nuka Edeke. Inyo abu kiswamaun? Eipone ali abu ngesi kiswama? "Odwe luka Edeke," ebala Ebaibuli, Ageun, "apotu koanyutu adwe nuka itunga, odwe luka Edeke, idwe luka Set, koanyutu adwe luka itunga, idwe luka Kain, Eipone lo etemeleleatar. Hum! Ido, inyo apotu kesi kiswamata, apotu kisuparos ka kes! Kimorikikinos kesi nepepe bobo, kanuka atemelele, ebe, "araas nuebusiak, kanu asesen."

64 Ibore ngipengin lolo! Aso konyet, inacan. Yesi lukanonokak luko Pentekosital, yes luabu Edeke kijuka toma aimorikikin kede iriongeta! Mam yes ipedorete aidiinikin Emoyo Lokalaunan. Abu Ngesi kijuka yes kinga kanu araut itungaKe. Konye kipotu yesi koanyutu ikanisan lukapolok lualae kede aisioman naka ediini (Theology), apotu yesi kodumutu kanukus isomeri lukapolok kede iboro. Ido inyo kapotu yesi kiswamat? Imorikikisi yesi itunga luka Edeke bobo kede iriongeta, luerai apetetai kede ngipengin naka Etulikane. Ikanisan lutiek luelae kede, itunga luenapitos ejok, ne ebunenei ekayaiton loka eibuga ka luce ngun kere, enapitos ejok adepar, luesiomitos aitelekar, luisisiatos ediini aitelekar, ejenete Eipone lobunes toma aiboisit na enapitotor itunga kere igoen luibusiak, kosodi ecokon aibwo koipone kalo itekooro kotoma aiboisitike. Inyo ngun? Ijai jo asesen iboro luabu Edeke kitoron. Ido kiyangasi yesi ekanisa loka Pentekosital (Edeke, kocamaki kinom atepu!) ido imorikikisi yesi nges toma atukos. Mam Edeke akoto ekanisa Ngol kimorikikina, akoto Ngesi kotiakara; mam nepepe aimorikikin kede akwapin.

65 Ajokit namojong ngipengin abu koinak Keba amamus aiyuun Akirot naka Edeke kosodi aiswamaikin nges nukarokok, kobonguni bobo kosodi ayangar odwe luka Set kosodi ainakin kes aanyun angor nu nuetemelelas nuka Kain, kimorikikinos kesi bobo. Ido mam kes keraas ikapirin. Mam kes araas luka aimorimorun. Mam, mam. Araas kesi ikeyuunak. Apotu kesi kotemasi ebe, "Kwana, epedori aticepak Ejakait aswam icebore." Arai, oo, nu koipone kangol. Keraas kesi -kesi...awomitos kesi ebe ajaasi aswam nuibusakinito. Ido inyo abu Edeke kiswama? Amudiar ngun kere, ajai Nges amudiar ngun kere. Aimorikikin naka aingal! Ajai Nges ajukar akalele kosodi amudiar ngun kere. Abu etube kolom kanuka aimorikikin ngin naka aingal. Abu etube kinom Eden kanuka aimorikikin ngin naka aingal.

Kwana, emun kejatatar kede icokat? Kirumata ijo ileic.

66 Aimorikikin naka aingal abu koyangau etube toma akwap, mama ejai Keba ka Adam, kotoma omanikor loka Eden. Ido aimorikikin naka aingal abu koyangau akalele naka etube loka Edeke toma akwap kanu naarai apotu adwe nuka Kain ijalanaros kede odwe luka Edeke, kosodete kesi aibiror kanuka ngun,

kosodete aimorikikin bobo. Aso bodo jo. Aimorikikin naka aingal, "Amemei ibore yen apedori aiswamaun." Nunyoeka abu Edeke kiswama? Abu Ngesi komudia ngun kere, kere kilema Noa loka etiai loepol kede luka okaleke. Nges...apotu kesi kimorikikinos nepepe.

Kosodi bobo akaulo kangin, akaulo na atwanare naka Noa, kede ekale loka emoyo loka Noa, ibore yenisodit yen kijenuni ijo, kogeunete odwe luka itunga angoleinikin bonik, kotemasi da atiar, "Mam oni kirai ikapirin, kiyuunit oni kere Edeke." Kanuka ngun apotu kesi kolemutu etunganan, kwape engarenon, ekaanyanaran lopeti lokenyaritai Nimrod, kosodete kesi aiduk etogo lokawojan. Mam kes araas ikapirin. Eyuunitos keesi ebe ajai Akuj. Eyuunitos kesi ebe ajai egiyana. Eyuunitos kesi ebe ajaasi itubesia. Konye odwe luka Edeke bobo kede adwe nuka itunga, apotu kosubutu kanukec aimorikikin naka aingal, kosodete adukun ekanisa loepol noi, atukos naepol naeumokina, dio aiboisio nuce kwa abeit ainakin ayongio mama ejai Babel.

67 Kotemasi da atiar, "ijenete yesi nuipedori oni aswam. Kijenete yesi ebe irai oni lukacoa." Aibo adumaknete kesi acoa ngin? Kama ejai ajokit. Erai mamake cut. Apotu kodumakisi mama ejai ajokit kwape abu Keba da kodumakina mama ejai ajokit. Kanuka ngun apotu kesi kotemasi ebe, "Idukuni oni erionget kanuwok, ilosi oni aitelel Edeke. Ido alimokini eong yes nuilosoni oni aswam, ijaikin oni kede amadalai nuedokarere. Ikeri oni kaju kosodete ayoere, ainumunum kede imalaikan, kosodete abongun kwap ne kosodete ajar koipone loikoto oni Ajaria." Eringa ajokit ngin ejari. Kiany? asurokinit ngin aicorakineta nuka Edeke. Mam kesi aricitos aicorakineta nuka Edeke. Nunyoeka abu Edeke kiswama? Eebo, apotu kesi kodukoto etogo ngol lokawojan loko Babel, bobo nuka aingal, kanuka ngun abu Edeke kipurujaik kes kede aitiakakes.

68 Abu Edeke kotiak bobo kosodi Ngesi aijukar Aburaam lomojong lokajokan, ebala ebe, "Alosi Eong ayangar ijo kasodi aiswamaun ateker kama ijai ijo." Abu Edeke kotiakakes. "Kolomu kinga kama ejaas kesi, Aburaam, kojalak idiobore kere." Ido mam Edeke abu kisirereng nges aitodol ne ajalakinatar kesi nginibore kere kokau, arai Lot nges lokawasia. "Kolom kinga, Aburaam, kotiaar kama ejaas lumam kiyuunito. Ido alosi Eong ayangar jo kasodi aiswamaun ateker kama ijai ijo. Alosi Eong aiswamaun itunga luericito aicorakinetaKa. Alosi eong ainakin kes arereng bobo ace."

Abu Aburaam lomojong lokajokan kolot akwap nakegelara. Ngun kes nuiswamai ngoliburaam kere, alosit akwap nakitegelikina. Inyo? Aiyuun aisumunet namam apedor, kama ejaas itunga. Nunyoeka kiwomit ijo ti ketemasi lukasiomak luka Kain luatinen kwana kapak kangin? "Whew, otukui, epolon, ikar akwatat luka amojonguke, elosi adumun ikoku kede amojongoke naka ikar akaisakanyikaongon? Oo, etukui ibore yen abanganut!" konye abu Aburaam kiyuu Akirot naka Edeke. Ido imodiobore yen epegasi kede Ngin, abu ngesi konyara bala yenemamei.

Aibatisaeta nu kere nuka aingal, apupeta nuka aingal, iboro luka aingal luiswamasi lolo, kotema ebe emamete ngun, kiyuu bon Akirot naka Edeke ido inyikok alosit. Eraas ngun aigalisio nuigogolonorete kanu aisimik ijo adolokin mama ejai ibore ilopet. Erai ngin abeit. Kolot ngaren, idwe. Akirot naka Edeke, idari Edeke AkirotoKe. Mam eong apodo arai iboro idibo luka lukarokok luecakuni ajokit kinga ngina, eringa Edeke ejatatar kede Akirot naka Abeit ido idari Ngesi Akirot Ngin.

69 Abu Aburaam konyara idiobore kere yen etegelikina kwape yenaronon. Iromayon, esula 4, arai ijai ijo aiwadik ngun. Abu Aburaam koyanga idiobore kere yen etegelikina kama eja Akirot naka Edeke bala ibore yenemamei. Erai ngin abeit. abu ngesi kiyuu Edeke, arai loagogong, mama ace arai anonokar akuanike biai, Eipone loasubitor bala mam elosi aiswamaun adoketai na iwomomoa ijo ebe mam elosi aiswamaun, abu Aburaam kinyikok aiyuunit ngun. Kwana, mam abeit nges alosit olutairi kosodi atemar ebe, "Arai mam eong abuni kopekwana, alosi eong aswam...Mam eong ajeni arai aiyuun ngun araibo mam." Abu Aburaam kiboi kede ngun adaun ikar akaisarei kalukany eringa ngun kitodolikina, konye abu kitodolikin. Itodolikin duc.

70 Kouru Aburaam Isaac; kouru Isaac Yakob; kouru Yakob ikengarenok luka ekanisa, kolosete Misiri; kotoma Misiri, kouriaros kwape ateker. ido neapolooror atekeriKe, aimedauniKe, nunyoeka abu Ngesi kiswama? Abu Edeke kotiak kes bobo. Amamus aiyuun kede aiyuun mam epedorete aupakin nepepe. Mam, ipa. abu Ngesi kotiak kes bobo, kanuKe Elopel. Inyo abu Ngesi kiswamaik kes kanu aijen ebe engarenikinitai kes ejok? Kopupok ejok kwana, mam kwana oni kijatatar kede apak nailesikina, aticepak idakikan itomonakany ice bobo. Abu Ngesi kingarenik kes die ka kes. Koany, abu Ngesi kitonyou ateker, kosodi aibwaikin kes toma aitutuorio ka iboro. Aponi kibungai kes, ido komonyete, ka aimony ido kinyikokinitos kwangin. Konye ajai Edeke eseseni kwap, abu Ngesi kiitu kanginisumunet nabu Ngesi kijaikinite mama ejai aburaam. Kapaaran adiopel, abu Ngesi koomoom...Nunyoeka abu Ngesi kiswamaik kes? Nunyoeka abu Ngesi kiswama ne atiakia Ngesi kes? Abu koinak kes ekisil, kosodi ainakin kes Enabi, abu Ngesi koinak kes Epir loka Akim. Inyo abu Ngesi kiswama? (Wu Edeke!) abu Ngesi kibwaik EkanisaKe toma ainapeta. Epir loka Akim, Emoyo, kanu aingarenikin kes, Enabi loalimonokini kes Abeit naka AkirotoKe. Akapakina kesi kanuka alosit do. Mam kereka ngin erai naeumokina?

71 Toma amodingot apotu kesi kolototo, kiswamai aanyununeta ka nukaumokin, apukor angolol

nakarengan, anyaraikin atular naka okatwak mama ejai Parao. Oo, ikatunga! Epir loka Akim elosi koingarenikec, amen, abu kingarenik kes kuare ka paaran da. Haleluya! Enabi loarai lokabeit mama ejai Akirot ngin, ebwoi kanen, aidar kes koriakasi kede Akirot. Amen. Akapakina do Ngesi ayangar odweKe. Ngin nges apak nasodit na aponi konyaraere kes ebe ekanisa. Kerai ngin aitupuset kanu alosi Ngesi aswam kapaarasia nukawasia. Ilosi oni adolokin toma kangun bobo, akaulo na edakika ediofet. Abu Ngesi konyarau kes kinga, kosodi ainakin kes ekisil, koinak da kes Akirot, kosodi ainakin kes Enabi, abu ngesi koinak kes Aanyunet, kosodi Ngesi aijukar kes toma amoding. Atiakar kes kama ejai akwap.

Nunyoeka apotu kesi kiswamata? Apotu koanyutu angor nuetemelelas nuko Moab, ekanisa loejalam kede idekesio ka adekesio ka nginibore kere. Nunyoeka apotu kesi kiswamata? Apotu kolosikisi ngun, kodukonokinos kamakec. Erai ngin abeit, abeit cut. Aomit eong ebe amoabin ngun nuetemelelas, araas cut nuebusiak.

72 Ajatatar eong kede adwarasit ngina ore, adiofet kapaarasia kanu, alosi eong asiomar nges. Ido kiumokinitos yesi ibore einakinit eong einer angor koipone loenerar eong. Ikar akaisauni kolo...ajatatar eong kede nu INERA KWANATA EJAKAIT!, ikar akaisauni nepe alomari eong toma aijanakin, abu Ngesi kolimok eong ebe ejautene loka angor ebuni araun loerono noi ido kobalasi ebe ajokis ngin kotoma apaarasia nukawasia, epote angor araun ibore yen emunauna kakere kotoma akwap. Abeit! Abu aberu kogeu kotoma ageunet, ido itosomai Satan nges kangeset. Ido kosesen nuiswamasi, ireik ber ijo ikar ngun kere. Ebala ebe, "Ebuni aberu ainyikokin alacar inapeneke." Kosodi atemar ebe, "Ebuni ikodet yenedit noi ajaun, loka ngun luseuna luinerunitai sek, ngun bon kes epote aiku ngun."

Ne abunia aitapoet ngin, apotu ngun kisialongogoto eong. Abu eong kaomoom, "Angor..." kasodi eong aibelokin abongor Obaibuli toma Isaia, eyuunit eong ebe arai esula lo 5, ido abala ebe, "Atenut na adau aiku kama...adwe nuka Sion, kapaaran kangin ebuni araun naitemelel mama ejai Ejakait."

73 Abu aberu kiwadikak eong aingiset apaaran ya, abala ebe, "Onac Branham!" Arai, mam, arai ekiliokit, ekejanakinan. Epedori aticepak ngesi kobwoi kane atupuruc naka lolo. Erai ngesi loebunit ko Ohio. Ido abala ngesi ebe, "Ikoto sio einer nupe inera ijo, konye apotu sio kadumutu icebore yenimam edolit kotoma atepun kon." Kanuka ngun, abu Billy koyangau ebaluwa mama ajai eong. Abala ebe, "Icebore kotoma atepun kon," ebala, "Erai yenitepegit Akirot naka Edeke, Onac Branham. Ido ikoto sio da einer ibore ngipengin." Ebala ebe, "Aingiset adiofet na akoto eong alimokin yes, nges 1Ikorinton, esula11, ido ebala ebe nuikamunitos aimukora naka akou kanuka angor, kosodi ikiliok mam ajaut kede aimukoret." ebala ebe, "Iyuuni isio ngun. Ibusakinit angor anapit akopiran kotoma okanisa, ido ikiliok ibusakinit alacar akopiranakec kotoma okanisa." Ebala ebe, "Iyuunit isio arapio ngin naka akou, ka ngun kere." Kosodi atemar ebe, "Kosodi aingiset ace bobo, apotu itunga kopotu mamakosi kobalasi ebe elimonokini emalaika loka Ejakait ijo nginibore kere. Kanginikirot nailimuni ijo erai naebunit kama ejai emalaika loka Ejakait. Ido, Onac Branham, erai naetiono aitiji ibore kwanat kangin," kotoma okanisaka." Ebala ebe, "Ikoto isio da einer ibore ngipengin. Kwana, Onac Branham, mam kereka jo iyuunit ebe abu jo ibuca mot kanen?"

Abu eong ewadik kanu abongokin, "Onaceka loka etiai loepol, mam eong ebucarit. 1Ikorinton, esula 11, ebala ebe, ibusakinit aberu arapit akouke, ido kanukinyo. Kosodi ikokoron 15 ebala ebe einakinitai aberu itimake araparia, mere akopira." Erumia emoyo ngol loka atuliki ekanisa adaun apak naewoj. Naarai itimake lueojak nges arapareteke. Mam kereke einono elopet...

74 Ido koany, kosodi do aingiset abongun, abu icetunganan kingit eong apak ace kokau...etetemuni eong ngun neajaar eong mama ejaas ngun. Kotema ngesi atiar, "Eebo, ebala Ebaibuli ebe kibusakinit ngin ajaut kede itim lukaajak kanuka imalaikan. Nunyoika ikamunitos imalaikan kede aberu?"

Abu eong katema, "Inyo emalaika? Erai eyakia." Inyo ejai Paul einer? Arai eyakia lokabeit, emalaika abunere kanejai Edeke, ekoto kereka yes kojatatar kede itima lueojak. ebuni aitoron ibore. Erai ngin abeit. Idibo edumunitos...ejenete ebe erai emalaika eyakia? Erai ngin abeit. Eyakia loijukunitai kama ejai Edeke ebuni aitoron ngun. Kobala ebe, "Kibusakinit ijo ajaut keda itima luaojak, kanuka imalaikan." Arai kepotu iyakia ngun lujukunitai kama ejai Edeke ne, itoronete ibore ngin. Eebo, nabeit cut, naarai eyakia elopet loebunit kama ejai Edeke, emalaika erucokina kede Edeke, ido mam AkirotoKe ekurwori. Erai ngin abeit cut. Abu Paul kotema kanen, ebe karaida ebuni emalaika loka Akuj, kosodi aisisianakin icebore, kilema nu, ikanoi nges. Erai ngin abeit. Kwana kijenuni oni do ebe erai ngin abeit, ibusakinit aberu ajaut kede itima lueojak, ngin nges arapareteke.

75 Konye inoma ber jo, angor nuetemelelas nuimoabin nu alayete noi, epedori aticepak kitemonokinitete kes bala ace kotoma kanuka Yesebel nukatinen kwana nuka lolo. Konye, ejangun da, mere angor kere! Aomit eong ebe aberu Nakabeit erai ibore yen etiai. Kituritete Edeke kanuka aberu nakabeit. Iraas yes nuka akan naka Edeke. Konye aberu alopet esubit bala ekiliokit elopet, etupete kesi Akirot naka Edeke mama ace nuebala ajokit, arai idiobore kere yenikaingal.

Kosodi ijo atemar, "Ebala ekonokosi ebe erai naejok aswam nu." mam eong apodo nuabu ekonokon kotema. Arai epegasi kede Akirot naka Edeke, koraun akirotoke aingal, kosodi jo airic Akirot naka Edeke. Mam ipodo arai erionget ali erai ngol arai loerai ngesi, arai ejatatar ngesi kede adio nulimuna

kanuikamunitos ngin, kolimok nges komou kama ejai Akirot naka Edeke. Erai ngin abeit cut.

76 Oo, epone lo ti kinyikokina oni aijesar kwap kasodete aanyun Edeke etiaki kes. Ejai kwana oni abwoun kotoma odakika ediopet. Ajatatar eong kede ikokoron ice ne luakoto eong ailam kanu aruruk agolokin. Kosodi ne...nunyoeaka apotu kiswamaunos kangina, ne apotu angor numoabin? Ajai bobo Edeke aitiak kes. Nunyoeka abu Ngesi kiswama?

Kobuni do Yesu. Kwana neijaar oni abunere nenice. Kobuni Yesu, einono loka ejautene loka Edeke, Ekinyomit loka aberu, loasubuni Edeke Elopet. Ekadukon Lokapolon kakere abu koduk akuan kanuKe. Mam abeit Ngesi ailipun abawoi kama ejai idiotunganan, kama ejai aberu arai ekiliokit. Abu Ngesi koduk etogo kanuke. Oo, ikatunga!

77 Aomomo eong nuka nuikamunitos Stephen kapak kangin naabu ngesi kobwoia, ebala ebe, "Yes lumam ikepitai kotauon ka aki, yes lueninik imorosinga. Ingeritos duc yesi Emoyo Lokalaunan. kwape apotu lukapapakus kongerotor, kwangin kingeroto yesi da!" ebala ebe, "Abu Solomon koduk Nges etogo, konye mam Edeke iboienenei kotogoi luedukitai kakanin, konye akuan naitemonokit Ijo."

Mam eburai Nges ailipun abawoi ace kanenice. Iburanian, esula lo 11, aomit eong erai ekokoro lo 2 arai mam lo 3, ebala ebe, "Kanuka aiyuun kijeni ebe kesubio akwapin kere kAkirot naka Edeke, tetere mam iswamao nueanyuna kotoma kangun kanuetakanete." Abu bon Edeke kotema, "Kojaun," ido kojaunos. Mam ayangaikini Nges ainyikokin atemar ebe, "Ejakait Elap, ijo ipedori aikopaikin eong da ber abawoi adis? Ejakait Aacerit, ijo kiinakini ber eong da adio muunyu?" Mam Edeke iswamai ngun.

78 Mam ayangaikini Nges alimun ebe, "Maria, ikopaik ber jo Eong da abeit, akoto Eong asubun akuan tetere eong eboie kotoma." Abu Edeke Lokasuban kiner, ido koraun ngesi toto kosawa kangopekangol. Mam nges arai toto, arai ngesi aberu na adakit Icofat Ke. Erai ngin abeit. Kiitu, mam nges arai toto naka Yesu. Ebala akwap kwangin.kodumak eong aiboisit adiope kotoma kanuiwadikatai cut nenyaritor ngesi Ngin toto. Kwana kobongutu toma Akirot. "Toto naka Lokasuban," kirumata jo ileic. Kiany?

Kapaaran adiopet ajaas itunga ice luapotu kotemasi Nges atiar, ebe, "Ejai toto nakon kinga emoot Jo."

Kotema Ngesi atiar, "Ingaibo totoKa?" kongolek ikesisiaKa, kosodi atemar, "Kes ngun luiswamaete akote naka PapaKa nges totoKa."

Mam ngin arai totoKe, kerai bon ngin nakerukuman. Ti Edeke kitosom icebore, konye akoto Ngesi alemun naitidisiara kakere kosodi aitodiar nuapedori Ngesi aswam kede ngun. Aitonyoun ngin, aismamaun icebore kama ejai ibore yen emamei, Nges Edeke.

Kobu apoto naetodiaritai, Yesu, Ngol Loeuritai komamei adiakar kotoma, Ngol lominat, lokajokan kakere kama ejaas ilukumin itomon, apecelut naka aditot, Aturot naka Sharon, oo, Aacerit naka Atupuruc. Inyo arai Ngesi? Kanukinyo abunio Ngesi? Kopupok ejok kwana. Kanu asipokin bobo eipeone kiding Edeke kede etunganan. Oo, ijo kiany ngun, onac?

79 Itogoikec luiceleleete luko Babel ka iborokec ice kere kokau kangina mam apotu kiswamata. Araitokec nuka alup ka nginibore kere abu kituguik Edeke. Kanuka ngun ajai Edeke adokun kwap kosodete apotun Nges kotoma aures naka aberu, kanuKe Elopet bon, abu kosub akuan kanuKe, kosodi araun Immanuel, Edeke ejaas kaoni; mam arai Eyudayat, karaida emoit, konye arai Edeke. Mam Nges arai Eyudayat, mam nges arai Emoit, arai Ngesi Edeke. Ido ajaas imo mamaKe noi kadiopak kere, ido abu Ngesi kotam atiakar Eyudayat kwape ateker. Abu Ngesi kotam aswam nginibore kere yenedepori kanu ainyakun nges, ido Eipone bon loapodoria Ngesi asipokin ngun, arai abongun aismamanar kede itunga idiopendiope kwa abu Ngesi kiswama kageunet. Eipone ngol nges ejaar lolo, mama ejai itunganan ipei. Mere mama ejai erionget, mere mama ejaas iriongeta, mere mama ejai atukot naka itunga; konye mama ejai itunganan kwape itunganan ipei. Koany, kanu asipokin bobo eipeone kiding Edeke kede etunganan.

80 Kerai Ngesi asubanit alopet kanuka adiakar. Amerekekin, akinei ka nuce ngun kere, mam apedorete alemar adiakar. Konye aijar...naarai ne eyarere asubanit kede aijar naka imerekek, ibore yenepatana kakere, mam apedori abongun bobo, aijar ngin, mama ejai ekeyuunan, naarai arai ngesi itunganan, yen ejatatar kede etau lokajaran, ido amerekek emameototor kede etau lokajaran.

Kiany, emamei ibore ejatatar kede etau lokajaran kilema etunganan. Abu Edeke kibwaik...kerai nges epiten loka etiang, erai ngin abeit, konye abu Edeke kibwaik etau lokajaran mama ejai etunganan. Ngin nges abu kitegelik nges kama ejaas itiang. Abu ngesi kojenu nukajokak kama ejaas nukarokok ne alomara etau lokajaran mamake. Konye abu ngesi...kiitu ne asubunia Edeke etunganan kotoma asimaKe obe, koraun etunganan etau lokajaran. Kiany, abu ngesi koraun ngun, aijen nukajokak kama ejaas nukarokok.

81 Kwana, koany. Konye kwana, kotoma kanu, abu Yesu kobu ido arai Ngesi Edeke. Mere bon aijar naka etunganan ece epedori abongun mama ejai etunganan ece, konye Aijar ngipengin naka Edeke, aituluor nges araun ikoku yen Edeke, ainyakakin nges toma aimorikikina ngin nakejai ngesi toma eringa ber aibiror

kejauna. Kwana ijai oni adumun eipeone elopet.

Itunga, epedori icetunganan atemar eong atiar, "Onac Branham, mam tope jo irai loka loka eipeone?" Mere eipeone loka erionget. Konye arai eong eipeone keda Kristo, kiany, konye mere eipeone loka erionget.

Abu Ngesi kotac apesen naka adiakar. Kwana, kanu adumun eipeone kiding Edeke kede etunganan, mam Yesu apedori aswam ngun bonibe ejai Ngesi ne toma akuan naka akiring. Kanuka ngun ajai Nges araun asubanit naka adiakar naileleba kanu alemar Atubokinio naka ekeyuunan, kiany, alemar ngin awai tetere Emoyo Lokalaunan epedori Alomar toma naka etunganan, kosodi aibwaikin Edeke kede etunganan toma oipeone bobo. Kiany, ajai icebore ajaun kanu asipokin ngun bobo.

82 Kwana, inyo apedori asipokin ngun bobo? Neitodolikinor aicorakinet naka Edeke. Apedori tope emalaika aitodolikin ngin? Emameotor emalaika kede aokot. Ido abu Edeke oraun akiring kede aokot tetere Nges epedori aitac apesen koipone kalo ibecokina kosodi alemar adiakar awai, naarai ngol bon nges Eipone. Itogoi luiceleleete luko Babel etiakitos kes anatar akwap, nginibore kere, atukosia kede iboro kwanat kangun, kere akurworit kotoma oipone ediokere, apotu kesi kinyalunyalunos nepepe, akwapin kede nginibore kere, konye abeit na araun atiakar na cut. Aibuses!

Kwana apupi eong aidiinikinit. Eebo, apupi eong bala apedori eong alemun akou naka akirotoka kasodi ageun alimonokin kopekwana. Ajai do eong akapanakain kwana kiton ne etegeara eong kanepokane, ido erai do kwana apak na eong abwoun. Hmm! Aticepak erikakini eong kapak ace, eipeone loka Edeke kede etunganan. Yesi kimisiikisi? Kere luamisiikisi, kotemasi "Amen." [Kotemari ekodet, "Amen."]

83 Kiany, ngol bon nges epone loepedoria etunganan abongokin toma ojauteneke losek bobo, erai etiai ngon loka adiakar atacio. Inyobo etiai naka adiakar? Atwanare. "Eropit loka adiakar nges atwanare." Ido kotema Edeke, "Apak nakinyamiata, apak naiswamauniata yesi aswamisioit na, ngin nges apak naitwakiata." Ido neswamaunotor ngun, apotu kobilata aiswamanarake, eidicane, kede nginibore kere kanu etunganan, ido mam apedori abongun bobo aitodol ne atacere etiai ngin. Ido amamei idiotunganan yen ebusakinit aitac nges, naarai nginitunganan ebirora kede etunganan, naarai kanginisubat ejai kwap naka etunganan, ido ebirora etunganan. Aibuses! Oo, onac!

84 Onac, Mac, mam eong kaanyunit ijo iboie kanen, kisirereng Edeke jo. Kiyuunit oni nu, Onac Mac. "Eponitos kanuka etiai loka atwanare." Arai kolo Onac Mac ecokon kane kokanisa ne anyounia eong. Eebo. Kwana, ece loka Baptist lokajokan, ekalimonokinan loko Baptist kokwap kangina loejatatar kede Emoyo Lokalaunan. kiany? koany kwana, ajaun toma oipeone nepepe kede Edeke.

85 Kwana, nekianyunia oni nu, aanyun ebe Iburai etiai kotaci, ido kojenu ebe, etiang loikeikina adoketait kakere nges etunganan, ido abu etunganan kibiror, nges elopet. Kanuka ngun ikwaikini aii etunganan epedori aitajar locetunganan? Abu koyangaik Edeke. Ido Edeke kotoma Omoyo, mam apedori atwanare. Kanuka ngun, "Ajai Edeke aijesun kwap aitelekar imalaikan," Iburanian esula lo1, ekokoro lo1. Ajai Nges aitidisiar adepar imalaikan tetere nges etwani, kanu aitac etiai, kanu ainyakun eipeone kiding Edeke kede etunganan bobo, tetere Emoyo Lokalaunan epedori abongun bobo.

Aponi kotaci apesen naka adiakar. Ajai Yesu aswam nu kanu aijukun Emoyo Lokalaunan akaulo, naka aimorikikin itunga bobo kwape kajaatar komanikor loka Eden. Aponi kotacai apesen neketwania Yesu. Abu ngin kotaca. Amen, Onac! Korai bon eong kapedori aitolomikin ngin toma, kiany. Etacitai apesen. Aleluya mama ejai Imerekek! Ataci apesen. Ido mama ejai ediokiliokit kede aberu luepupete eong kotoma atupuruc kana, arai luirarete kotoma atepu, ataci etiai kanukus. Siri kinger aiyuun Akirot naka Edeke bobo. Kobongutu mama ejai Akirot! Arai Ngesi Akirot. Aibuses! Apupi do eong bala ti acelar, nabeit apupi eong. Etacitai etiai adaun kere. Ngesi teni apotu imalaikan kocelarotor kosodete ayoere, eruosi ikososo lukotoma Akuj. Eebo, ipa, aponi kedumunai amerekek yenawoliorit! Aponi kiswamaunai aipikor kanu ainyakakin nges bobo, akipi naka atiak, Akirot naka Edeke Nailotari nges kama ejai epalike kere, neabu Akirot kotwania kosodi ajarun bobo kosodi araun Naepol ajokis noi kotoma ajaraka, kotoma otauka. Amen. Ataci etiai! Adaunos do ngun. Irai oni luelakunitai.

86 Mere kama ejai ekanisa loka Atuliki; karaida kirai oni itulikin lukabeit, itulikin lukiyakia. Eebo, ipa. mere atulik nako Roma kede aisisianakinikec, engerete kesi Akirot na kede aisisianakin kec nakaitunga; nginibore kere erai aisisianakinikuc, mere Akirot naka Edeke. Methodist, Baptist, kirumata yesi ileic, lueminasi epali adepar amin Edeke. Lueminasi aiteleleo, ikamoak akwapin, aiteleleo, ipegei luetubutubutai kotogokec. Ejai ajokit aijukar iboroke luitosomai ngesi kwap kinga ngina aimiedar iboro ngun kwap, kwape eswama Satan komanikor loka Eden. "Eebo, ijanakinak kosi kere esiomitos. Ejabatatar kesi kede Ph.D.,LL.D." emamei ibore kanen, konger bo jo Akirot ngin, erai ngipengin acoa naka ajokit. Adau eong aitigogong ngun mamakus atupuruc na kotoma Akirot, kojaunos ngun mamakus ameun lolo, kiton apaarasia kere.

87 Ikiyakia, karaida eupasi ka Yesu, amamei eipeone kokidingikes. Amameototor kesi kede aimorikikina adio kere. Mam, apegananasi kesi, "Ingaibo elosi araut episikopi akaula kanu. Ingaibo epol kama ijai oni?" mam ber apedorete aiyuun Yesu. Mam apedoritos amisiikin Nges. "Inera Jo kede awaragasia. Kolimokinai



sio apolou naka awaragan." Amamei aimorikikina kiding Yesu kede ikiyakia, arai ikiyakia luka Yesu, kede ikiyakia ikulepek.

Mam ace, elosete ngun aitodikin ijo onac. Kopupok kadunyanut kwana, akoto eong aitolomikin nu kolomasi toma otaukon cut. Kiany? ejatatar Edeke kede ainapeta. Kinga naka ainapeta kangun, mam eong apodo arai acoa naetiai ai ejai kau naka kangun, imilionin idi luka adukena nuetaitaete, isiomeri idibo luisisianakinere ediini, itunga lukalaunak idi kede inyo yenalaunan, ido alaunit, alaunit, alaunit mam iswamauni adotiaketait nepepepe, arai engeritai Akirot adiopet naka Edeke, agaun kaitutuket kanakitetet kiton namojong, ido ayangauni eong ngin kwap kiton apaaran arai iboikinos yesi kede eong idakikan idis.

88 Ikiyakia lu aupasi kede Yesu kokodasi kede akanin, ajotoete nepepe ka Nges, anyamete nepepe ka Nges, apotu kosesenenete nukaumokiniKe, ido iboenete ka Nges, die cut kwape epedoria idiotunganan ajaun die, konye kereka komamaeototor kede eipeone. Mam kes araas luebusakinit alimonokin ejiri. Abu Yesu kotema, "Siri kilimonokisi bobo, siri kitamakisi da. Kolototo kidareutu kangina Koyerusalem. Alosi Eong ajjukun aisumunet, nakiinakinitai yes, mama ijaas. Ebuni do ngin aimorikikin yes."

"Kwana, Papa, elipi eong ebe oraunos kesi da ipei kwape araar Eong ka Jo Ipei. Ido Eong..." Kwape kijukunitor eong Papaka kanu alimonokin Ejiri, kwapekwangin ejukari Eong da yes.

Ido Papa Ngopengol Lokejukuni Okoku, abu koloma mama ejai Okoku. Aimorikikina kwape Ipei. Abu Ngesi kotema atiar, "Arai mam eong aswamai aswamisio nuka Papaka, kanuka ngun mam iyuunete Eong. Konye arai ikalalaete aswamisio nueswamai Eong, apolouke mam yes ipupete cut, mam inerasi, ido imudukaka da arai mam yes kisesenete ngin." Oo, onac, whew! ebala ebe, "Yesi lukesoswai! Ijenete yesi amisiikin kwape ejaar akuj, konye mam ipedorete amisiikin aanyuneta nuka apakio. Korai kojenete Eong, tikijenuku apakika da. Eebo, nges abu Isaia kiner kanuikamunitos yes. Ijatatar kede aki konye iraaas ikimingiok mam ipedorete aiirar. Ijatatar kede akonyen konye imudukaka mam ipedorete asesn!"

Ee nges alimuna ekiyakia Paul ebe, "Kapaarasia nukawasia ejaunos kede aput naka ayongite Edeke ido kongeritos apedoriKe," ido ikokoron akaulo na ikokoron inera nuapote aiswamaun kotoma oriongeta kotoma apaarasia nukawasia. Ido eumokinitos kesi ibore yen einakinit eong asurokinit eiswamae loiswamautos itunga loka ajokit. Ijo asesn idwe ngu ludidik kingalaros oking angina kosubitos bala amerekekin nuelosio aitub. Kitolomu kes king, Ejakait!

89 Eebo, amameotor ikiyakia kede aimorikikina. Mam apedorete amisiikin Yesu, apotu kotemasi, "Ah, ingaibodo epedori amisiikin iboro lu?" Kiany, amamei Edeke kotomakec ber. Etolomikinitai kes toma oidicane bon. Eswamanara kesi kede Nges aiswamanara. Nen nges ejaas itunga luipu lolo. Mam kes amasete ajon, mam engalaete, mam akokoete, emamei ibore, konye amamei kes eipeone loka Edeke. Mam kes araas ber ipei kede Edeke. Kiany, mam kes apedorete araun. Oo, apotu kesi kismwamata nukaumokin. Apotu kirenganasi ajokin. Mam ngin erai -mam ngin erai...

Abu eong asiom aiwadikaet kotoma apapula apaaran ya kanuikamunitos ngun, kanuikamunitos arenganar ajokin. Ebakasi itunga ebe, "Oo, onac, ajai eong limokin ijo, nges ngin." Mam erai nges ngin! Etunganan loirengeari ajokit ido kongerite Akirot naka Edeke, erai ekasabat. Eebo, ipa. ebala ngesi ebe irenganari ngesi ajokin, ineras kesi ebe iswamaete ngun. Mam nges epedori aswam ngun arai mam nges ejaas kede Akirot naka Edeke. Abu Yesu kotema kwangin.

90 Kwana, kobuni do Pentekosit, abu Edeke koinak kes araun ipei bobo. Oo, ikatunga! Kojaunos do kesi kede eipeone nepepe ka Edeke. Ajai do Edeke tomakes. Kwana, Aswamisio, arai ijai ijo aiwadik nu, Aswamisio 4:32, abu Ebaibuli kotema ebe "Kejaas ekodet kere loka luyunuto ketau ediopet ka ajar adiopet, aijen adiopet." Oo, onac, kanukinyo? Kedaunitai ainyakakin kes toma opone lomojong bobo. Ibore bon yen asalitikes acakar nges eibuga lomojong, arai iboiete kesi kotoma kane, akuan namojong naenyaritai eibuga, arai eyekalu, naeboiete kesi kotoma kane, na ajai aibos, naarai ejai akuan atwanare kosodi aibos. Konye kotoma omoyo ka ajar, ido kotoma alosikinet, ido kotoma aitapoet, ka nginibore kere, araas kesi ipei nepepe ka Edeke.

Oo, Adam, opaperoka loijesuna, siri kicamak Satan alimokin ijo aingalake bobo. Siri kicamak ngun aiswamaun. Siri kicamak Satan alimokin ijo ebe mam Akirot elosikinit ngun nuinera Ngesi. Erai ngin abeit. Apolou naka Akirot...Eebo,

91 Ajai eong kenera nuikamunitos aibatisawo kokiror loka Yesu. Erai ngin abeit. Abu Apukokinio naka ngun kobu. Erai ngin abeit. Konye nunyoeka apotu itunga luipu kismwamata? Apotu kotukokisi ngun kinga ne kosodete aiswamaun erionget kama ejaas ngun, apotu kodukutu aduketait ace nakawojan nako Babel. Ibore ipei ngipengin, apotu kocakakisi ngin toma kangun. Kwapekwangin abu Luther da kismwama ibore ngipengin. Wesley da abu kismwama ibore ngipengin, Alexander Campbell da abu kismwama ibore ngipengin. Pentekosit da eswama ibore ngipengin. Iswamanar do kwana Edeke kede itunga idiopendiope luericitos AkirotoKe. Einapetai naka Edeke adiopet bon kanu ayangaun ikeyuunak mama ejai Ngesi, kotoma oipeone lokabeit, nges ajajaun Emoyo Lokalaunan. apolouke lo nges epone lo...

Ipedori jo atemar ebe, "Eebo, Onac Branham, abu eong ener kede angajepa. Abu eong acelanar. Abu keswama nu." arai Iringa jo kijatatar epone loka emoyo kangol kosodi ainger Akivot naka Edeke, emamei jo Akivot naka Edeke kotomakon, mam jo ijatatar kede Emoyo. Arai iboikin ijo kosodi aipup Abeit kelimonokinio, kosodi ijo amoun Ngun kotoma Obaibuli kosodi aanyun ebe eraas Ngun Abeit, kosodi jo anger aswam ngun, mam ngol erai Emoyo Loka Edeke. Mam eong apodo araibo nat abu jo kiner kede angajepa biai, arai abu jo ocelanar biai, araibo nat ikanisan idi ilipi ijo toma, araibo nat ibatisatai irwan adibo, araibo nat idiobore kere. Akivot erai Abeit. Ngin nges itodiaribeit. Arai kijatatar ijo kede nukabeit nuce nu, kede Akivot, amen, ijeni bodo ijo ene ijai ijo abunere ore.

92 Epedori...epone an epedoria Edeke Ngopengol loabu kiwadik Ebaibuli aibelokin kosodi aicec AkivotKe kede icebore? Yes itunga luka Atuliki luapotu kotemasi ebe aponi kidaikinai Petero toma okanisakus, ido emoyoke nges einakinit yes apedor na aisioni adikanareta kede iboro kwanat kangun, epone ali epedoria Petero, eyudayat, angirikin ajaut naka Aputosia nuemaio toma okanisa? Epone ali engeria Petero atemar ebe abunit aibatisawo naka Emoyo Lokalaunan, kosodi ngesi einer kede angajepa, kede iboro ngun kere lukaumokin luabu ngesi kiswama, kosodi aibelokin bobo atemar ebe konyamata imugati yenididi ngin, ido ejai Edeke toma omugati ngin? Oo, erai ngin amamus kede aijen, amamus kede aijen nakomoyo!

Eebo, kwana, yes Igeresan, epone ngopengol, idokarata kuju kosodete ayogan ekalimonokina, kobakasi ebe, "Adau eong acamun Yesu kwape Etajaranika," kobongorete aijar ediopone kere loka aijar kinga naka kangun, kosodete ainyikokin aijar kede akwapin. Erai bobo ngin aduketait ace naicelelei nako Babel.

93 Ijai kwana oni aijesun toma angetakin. Koany. Abu Edeke kijuk Emoyo Lokalaunan, ido Emoyo Lokalaunan Nges Edeke Elopel. Erai Nges ebuni aiswamaun eipeone kiding Edeke kede etunganan. Kaanyutu ber. Kwana akoto eong oni. Kwana akoto eong aomisiokus kede kanu idakikan ikany luetupakinete arai kwangin. Koany.

Atam etunganan kokwap naka ainapeta nuka ajokit aitarauan ekanisa erionget kotoma oipeone. Atamata kesi eriong-...aisisianakin ekanisa Alomar oipeone, ngun ijenete yesi, kitosomaete aisia, kitosomaete erionget. Ejaas etamitos kopekwana, abunget naimorikikinit ikanisan naka akwap kere, ainyikokinit atamit aimorikikin Itulikin kere kede Igeresan aitarauan kes ipei. Inyobo ngin? Ainapeta nuka ajokit!

Ipedori jo atemar ebe, "Ijesara jo adoketait noi kanu alimun ngun." Adit eong adoketait noi, konye Akivot naka Edeke erai naepol noi, alimokini eong ijo ngun. Etuboros akuj kede akwapin, konye ngin mam edaun. Mam erai ngol loelimuni nges, erai Ngol lokegei alimun ngun. Ajai bon eong ainer nuabu Ngesi kiner, ajai eong alimor AkivotKe.

Eraas ngun ainapeta nuka ajokit! Itigogongitai ngun kane kotoma Akivot, atupuruc na kakonyenekus, ebe eraas nuka ajokit. Edio kotoma oriongeta kangun ke erai. Itunga luejaas kwap naka ainapeta nuka ajokit, etamitos aitolomikin itunga toma oriongeta luka eipeone.

94 "Yes kere kopotu kalomasi toma Assemblies of God. Alomasi toma Methodist. Alomasi toma Oneness. Irai oni kere ipei." Yes atukos nakaluka esoswai, ajaut kede aput naka ayongit Edeke kongeritos apedorike. Ido abu Akivot naka Edeke komaran kakonyenekon, ido abu jo okurianar aisur Ngin. Kanukinyo mam Edeke itodiaror do, arai kijaas ijo kede Edeke? Kanukinyo mam jo kiswama aswamasio nuka Edeke? Eipone ali ipedoria ijo ajaut kede ejautene ngol, ido kirimorite ijo angerite Nges, konyarite da aswamasio akulepek nuka Edeke ebe Belesebul? Itodunit ngin, yes atukos naka itunga luka ekanisa luesiomitos! Abu Yesu kotema ebe, "Iraas yes luka papakus ajokit!" abeit! Ajeni eong ebe imisikinitos yesi nualosikinit eong. Kanukinyo mam icetunganan esurokina Ngin? Ijenete yesi ebe ejai Edeke kau naka Kangin. Elosete Edeke kede AkivotKe.

95 Ngun kes nuiswamai etunganan, edukuni aduketait ace bobo naicelelei nako Babel. Nunyoeka iswamai ngesi? Etamete aitodiar...Kosesen kama ejai aibunget naimorimorit ikanisan kere naka akwap kere kwana. Igeresan, Itulikin, luka Methodist, luka Presbyterian, luka Pentecostal, ka kes kere imorikikina nepepe, Ekristayone loesayanis, kede luipu kama ejaas luengeritos aurun naka abekot, engeritos aurio naka Kristo, aituluor Nges araun itunga iuni, aitam aima idekesio iuni, engeritos aur naka abekot. Ice kama ejaas kesi engeritos Aokot. Ice kama ejaas kesi engeritos nukaumokiniKe. Kes kere, nepetai. Kosodete aitam ebe aimorikikin ngun kere nepepe, ikwaikini ijo ai ipedori aswam ngun? Erai ngun aduketait naicelelei naedukit etunganan. Ebuni aibiror kwape abu Babel kibiroror.

96 Konye abu Edeke kotema ebe, "Mere kede apedor, mere kede Agogong, konye kede EmoyoKa, ebalu Ejakait. Eipone ngol nges emorikikina Eong EkanisaKa. Mere kede iriongeta, mere kede asioman, mere kede ngul luisisiatos ediini; konye kede EmoyoKa, ebalu Ejakait, abuni Eong atukokin amerekekiniKa nepepe." Oo, ikatunga! Ido neiswamauna Ngesi ngun, nunyoeka iswamaunos? Kosodete do aanyununetaKe aitijenar ngupengun. Eipone ngol apedoritor Isirael atemar ebe, eringa ber kes kimorumonar kede Moab. Ajai epir loka Akim kujukes. Eebo, ipa. nunyoeka ebuni Ngesi aswam? Ebuni Ngesi aitijenar, eitijenaret naepone ece. Konye ekaulo neatiakatar kesi, aitaik eipeone kiding kes kEdeke,

kosodete ainyalinyalun kede moab ka ngul, abu aipikor kere okurwo. Apotu kesi kojaunos toma amodingot adaun bobo ikar akaisaongon, aitodol ne atonyounia Edeke ekodet bobo ece, atubor kanu aitodolikin ainapetaKe. Kes ngun nuapotu kesi kiswamata.

97 Kwana, koany. Konye neimorikikina Edeke ekanisa nepepe kede EmoyoKe, ejaunos kesi kede aanyununeta nuka Edeke Lokajaran kotoma akidingosikec. Aanyununeta nu epone bo ali? Neatiakuna Edeke Isirael kama ejai Misiri, abu Edeke oinak Musa kede Isirael aanyunet naka Epir loka Akim. Ngin erai abeit? Enabi. Ne etiakia Ngesi Aburaam kede Lot, ajai emalaika loabu kobu mama ejai ngesi, loapedori amisiinikin aiyeyea kede alosikineta nuka etau. Aanyunet! Aleluya.

Kwana, iriongeta lu, luikamuna kotoma okanisa kalo, etamitos aismamaun eipeone bala Komisiri, bala kokwap kangina komanikor loka Eden, kede nuce ngun kere, ejaas kwap naka ainapeta nuka ajokit.

Konye, koany, akoto eong angit yes icebore. Ne atiakuna Edeke Isirael, abu Ngesi koinak kes Aanyunet naka Edeke, Epir loka Akim. Abu Ngesi koinak kes Enabi. Nunyoeka abu Ngesi kiswamaik Aburaam? Nunyoeka iswamai duc Ngesi? Kitodik eong Enabi loesekunit Edeke kama ejaas kesi. Abu Ngesi kimorikik EkanisaKe nepepe itosomai ikiyakia kede inabin kede ikesisianakinak kede ikalimonokinak. aleluya! Aso bodo jo. Ekanisa bobo, kwape abu Ngesi konyarauna Isirael kinga. Abu eong kalimokinite yes ebe abeit eong abongun toma kana. Eebo, ipa.

Emamei Enabi loerai Edeke nges esekunit kama ejaas kesi, mam, ipa, bala kejaatar kede Isirael kede ngun. Inyobo ngin? Aduketait naicelelei naka ajokit bobo.

98 Kwana, erai Abunere naeyapie, abunere nakiyareit naka Yesu, ejai Ngesi atukonokin LuseunaKe nepepe. Eyuunit eong ngun. Oo, epote kesi Kokide, ka Too. Neejai akuan naebosit, nen nges etukokinos imorukalei. Oo, ikatunga, inyobo ngin? Ejatatar Ngesi kede eipeoneKe, eipeoneKe lokabeit, ejai aitodiar kotoma akidingosikec; aitolomun kama ejaas iriongeta kere, ejai ayaun LuseunaKe nepepe kama ejaas iponesi luka ikanisan kere, kotoma kanginiboisit kere, elemuni idweKe kinga, koupasi cut kede kwa ebalor AkirotoKe. Inyobo?

Kwana, abunere naka Ejakait Yesu erai na eyapiei noi, abunere naka etube, ejai Nges anyarat LuseunaKe nepepe kotoma oipeone nepepe kede Nges elopet, kede aijanakin kwape kana ajatatar Ngesi. Ijenete yesi epone loetirianitor eong kane kotoma aturio nuka ekanisa mere apak naewoj kokau, kanuikamunitos aduketait naicelelei nadukitai, naanyaritai ebe epyramid, konye mam ebwaikinitai atunyuru, kiitutu epone loaponiata Lutherans, kosodi konye luka Wesley luekidioko, kosodi konyet aijesun kwap toma Pentekosit. Ido kwana nuejai Ngesi aswam, anyaraunun kama ejaas ngun. Nunyoeka abu Ngesi kiswama. Abu Ngesi konyarau Luseuna, kanu aismamaun luka Lutheran; abu Ngesi konyarau Luseuna, kama ejaasi luka Lutheran, kanu aituluor kes araun luka Wesley; abu Ngesi konyarau Luseuna, kama ejaas ngun, kanu aismamaun luka Pentekostal; kwana ejai Ngesi enyarat Luseuna luka PenteKostal kinga, kanu ainakin atunyuru abunere nen. Epone loka aijanakin kangipekangin edoikini mama ejai ngin, anyaraun idweKe kotoma oriongeta kere kede ojautesio luegelegela luka ajar.

99 Inyo eswama Ngesi? Ebwaiki Ngesi kede itunga ikesisianakinak lukabeit, inabin lukabeit luesalakinitos kede AkirotoKe, Ebaibuli. "Amerekekinika iirarete ekaporoto," abu Yesu kotema. Arai abu ngol korai EporotoKe kolo, erai EporotoKe kwana da. Mam etupakinete Eporoto ngol, mam erai inyammat luka amerekekin. Mam etupakinete ngun. Oo, onac, anyoun kokide, too, kama ejaas iriongeta kere, kama ejaas atukosia kere, apotu kesi anyoun kokida, ka too, ejaas atukokin nepepe! "Ibuni oni ainyam kede Ekabaka, ainumunum kwape ipejokoKe, eraas bodo ikalotok lu lukarereng biai! Angoleikin akonyeneKe nueyongitai enokete kede amin naka Edeke; ikamorak luisirerengitai luka asianutuKe, kwape luka etiai loepol luecaete. Ebunit Yesu katipet, edaunos do aitemisiowok." aleluya! "Dobo do arai ebongu Ejakaitiwok kopekwana kanuka ngul luemamei adiakar? Ngin ti eyau jo aiyalama, araibo aiturur? Konye nebunia Ejakaitiwok kotoma Aibuses, iriamun do oni nepepe ka nges kotoma odowon." Aleluya! Eebo, ipa.

100 Inyobo? Kede ikesisianakinak lujukunit Edeke luelosete asalakin kede Akirot, mama ejai Ekanisa elopet, mam alemar karaida icunyakinet ipei mam ace nuebala erionget. Mam kes erucokina kede ngun. Inabin; mere luenyaritai ebe luesoswai, konye Enabi lokabeit, ejatatar kede NUEBALA EJAKAIT, ido itebeinikinate duc toma. Ngun kes luabu Ngesi kijuk toma OkanisaKe. Ngun kes nuabala Ngesi ebe abuni Ngesi aswam. Aiyuun Akirot, mere aisisianakinat, mere aisisianakinat naemamei kotoma akirot naka Edeke, konye Akirot naka Edeke. Ido, kotoma aswam nu, etakanuni Ngesi kotoma koipone lo aitigogong AkirotoKe, aismamaun Ajar ngipengin nakolo abu Ngesi kojarite, ajar bobo, aitodolinikin AkirotoKe. Oo, ikatunga!

101 Kopupok ejok. 1Korinton 4:20, ebalor ebe, "Naarai mam ajakanut naka Edeke ejai toma akirot, dimarai toma apedor. Inyo ajakanut naka Edeke? Ejai nepepe ka jo. Ejai ajakanut tomakon. Ido nebunia Akirot toma ngina, inyo itegeari Akirot na? ejulakin araun apedor, ainakin Ngun araun cut nuinerit Ngesi.

Mam jo ipedori alimun, "Ebalor nu," ido Nges abala Nu, kosodi ijo ainakin Ngun aswam. Iburai jo kiner ngupengun nuinera Ngesi. Itijenari ngin. Mere atemar ebe, "Eebo, erai naitemokinitai mot kane, abuni

eong ajaun kede acoa naiyatakina, abuni eong ajaun toma aibwo naitelekari kane.”

Osalak kede Akiroto. Nges ngin, kiany, ido einakini Ngin Ngun apedor. “ Yesu Kristo ngopengol bian, lolo, ka ikar kere.” Abu Yesu kotema, kotomaYokana 14:12, “Arai ijaas tomaka, Akakiroto da ejai tomakus.” Mam, kitimoto, mam ngun eraas nuabala Ngesi kanen. Abu Ngesi kotema, “Abeit abeit katemari yes atiar, Yenikeyuuni eong, iswamai ngesi da aswamasio nueswamai. Arai ijaas tomaka, Akakiroto da ejai tomakus, akiro kere nuilipete kokirorika, eswamai ngin. Arai ijaas tomaka, Akakiroto da ejai tomakus.”

102 Inyobo ngin? Iburai ijo ajaikin toma Akiroto, atwanikin toma Akiroto. Eyuunit eong ebe luipu kotomawok ipapero idau aijaun Emoyo Lokalaunan, konye kijauni oni Emoyo Lokalaunan loedolit kotomawok kitoni neidolio oni toma aiboisit namam bobo oni ikoto aingal, mam bobo sio ikoto akoko, mam sio ikoto aswam imodiobore. Konye ekoto Edeke eileleb kanginiwai kotoma OkanisaKe, ekoto Ngesi ailelebu toma awomoomokon kede aijenekon. Ekoto Ngesi ailelebu toma kere loirai jo, ainakin ijo atwanere cut, kodoco kotoma akuanakon arai toma aomoomokon, aijal kede mama ejai Edeke kiton ne ejaria AkirotoKe kotomakon. Emamei bobo icebore ijene ijo kilema Akiroto naka Edeke, osalak kede AkirotoKe, erai ngin Aijar,” “Eraas Akiroka Aijar,” abu Yesu kotema. Ebwaiki Ngesi kede ngun, ikesianakinak luiyuunitos Ebaibuli, inabin luineras Abeit, luebakasi, aitodiar aidwar nape duc apotu kesi kitodununete anatar atur kere. Inyo eswama Ngesi? Ejai Ngesi aitodiar kwape Loejari kama ejaas kesi, itigogongi AkirotoKe. AkirotoKe, ajakanut naka Edeke erai Akiroto naka Edeke eraun apedor.

103 Kwape, egongakinatar iriongeta lu kotoma aomosiso nuka itunga, kama ejaas awomosiso nuka itunga. Kopupok ejok kwana. Mam ebeit oni agongakina toma awomosiso nuka itunga. Awaragasia, esula 3, ikokoron 5, ebala ebe, “Sirigongakina toma ajenunikon.” Kiany? siri kismama ngun, mam ace *arai ikoni* Akiroto naka Edeke ai.

Ibala ijo, “Ee, esubit bala erai naejok koipone kalo.”

Mere ngun nges erai Ngin. Erai Akiroto naka Edeke, oyanga Ngun koipone kalo abu Ngesi kolimunitor. Abu Keba kotema...abu Satan kotema mama ejai Keba ebe, “Ajene eong ebe alimunit Edeke Ngun, konye Ngun mam cut erai do Kwangin. Erai kwanata.” Kosodi ngin aiyuun ngun. Abu ya kiyuu ngun. Abu ngin kobil eipeone, abu ngin kobil eidicane, abu ngin kobil aimorikikina, abu ngin kobil akwap, abu ngin kobil aijar, abu ngin kobil nginibore kere!

Ido itunganan yen mam iyuuni Akiroto adiopot kotoma Akiroto naka Edeke, ebili ngineidicane kere ka kere. Abeit! Erai oni aiyuun Akiroto ngin araibonat mam oni aiyuun Ngun. Asalakisi keda Ngun! ebala Edeke kwangin, ido asalakisi keda Ngun. ipu kwana iboro luejaun eong ailam kane, naarai adau apak atubor da.

104 Bala kotoma apaarasia nuatuboros, kapaarasia nuatuboros neswamauna etunganan nu, abu ngin koyau etube loka Edeke toma akwap. Adukio naka aduketait naicelelei nako Babel, aimorikikin naka odwe luka Kain kede odwe luka Set, abu koyau etube. Erai duc naeyauni etube loka Edeke toma akwap. Kiany? Oo, eipeone lokabeit nepepe ka Nges enyounete kotoma atube, kokuju naka etube, kwape abu Noah da konyouna akaulo naka etube kede lukokaleke. Apotu Noah lokadoliton kede lukokaleke kolototo kuu naka etube. Nunyoeka apotu kesi kismamata? Apotu kolototo!

Onac Lee Vayle, korai jo kopedori aikamun na, nges nata. Ngin bon nges aingiset naemamei sio acamanara kotoma, ngesi iyuunit ebe ebuni Ekanisa aitor toma otube. Mam eong aseseni ngun. Mam eong eyuunit ngun.

Mam Noah abu kitor toma otube, abu ngesi kitor kuu naka etube. Mam Aburaam abu kojaun toma akim, ajai ngesi kinga naka akim. Mam Isirsel ajai toma otubesia luko Isirael, aponi kotiakarai kes kinga naka akim, kinga naka itubesia. Ebuni Ekanisa aitor kuu naka etube, kotoma ataker naka Emoyo Lokalaunan, aitonyounio kotoma akwap.

105 Ibore yen atenuit naka aimorimor ikanisan mam erai ibore idio kere bobo kotoma akwap konye aigurun Ateran nabang, kanu nges ejalakinio kane kotoma akwap tetere elemunete lukasurup luka Kristo kes. Konye Ekanisa lokabeit loka Edeke ebuni aikaleleo kwape abu Noah lomojong da ikaleleikinor, kosodi alosit toma Aibuses korai nabeit cut kwape abwoia eong kane. Ngun kes einakin Nges ejai atukonokin kes nepepe. Ngun kes nuejai Edeke aswam, ejai Ngesi atukun ipei ko Los Angeles, kosodi ipei ko Piladelupia, kosodi ipei ko Georgia, kede nuce ngun kere. Atukonokin kes nepepe, itungaKe luekapakina kanu aiyuun Akiroto naka Edeke Lokajaran. “Kwape kejaatar kapaarasia nuka Noah, kwape kwangin ejauniata kotoma abongun naka Okoku loka etunganan, neaponi kitajarere idis, idis bon.” Mam ace, ebuni ataker wok naka Emoyo Lokalaunan eaijekokin kuu naka itubesia luka Edeke, naarai edaunitai oni atubokin sek, kwape kilimoria oni Yesu, kosodi Ngesi elemar atubokiniowok.

106 Idiinin lu, karaida egogong kes akwes! Esubitos kesi bala Keba, akoto nges acoake mama nuabala Akiroto naka Edeke. Akoto Nimrod aduketaitike nawojan, mam ace arai ekokoro arai mam! Agogong kes akwes! Ajene Keba noi. Ajene Set nuitelekariitos aibirokin mama ejaas angor ngun nu etemelelasi. Ajene Isirael nuitelekariitos alomar kinga ngina toma adoteu ngin. Kwape kwangin ijo da! Konye ice egogong

akwes, arai inera Ekokoro arai mam! "Ituritete Edeke, arai totoka nako Presbyterian! Alosi eong da araun loko Presbyterian." Kolot bo jo, Edeke itim etaukon lokadiakanaran. Ikwaikini ijo ikui ngun, kojoni ijo ebe erai ebeit? Ido neianyunia ijo Akirok naka Edeke ido kosalite ijo iwomit ebe mam erai Abeit, apolouke ejai ibore erono kede amisiikinikon nakomoyo. Erai ngin abeit cut. Kosesen akwap kosodi aanyun neiswamatar iboro lu. Ijai oni toma angeset naka apak, ipapero. Adaun oni aitor toma aturio nuka Ekanisa napena ido kijeni nuelosete aismamaun kotoma atur nako Laodikia? Mam tope oni idaunit ngun? Ijo itei nuabala eong? Ijai oni toma angeset naka apak.

107 Ejai Edeke atukonokin luseuna kama ejaas ikwamin iwongon luka akwap. Abala Ngesi ebe ijukari Ngesi imalaikan atukonokin kes. Ngin erai abeit? Atukokin kes nepepe, atiakar kes kama ejaas igitun. Amen. Igitun icwearo. Mere engano. Mam ace.

Konye egogong kes akwes, elosete kesi ajaun kede ngin arai mam, emamei adiotoaketait. Oo!

Konye luseuna luka Edeke icorakinitali alomun kinga kama ejaas kesi. "Kotiakaros," ebala Edeke, "Ejauni Eong yes. Siri kiting iborokec luka akwapin, araun eong Papa mama ijaas yesi, arai Edeke, ido iraunos yesi odweKa ka adweKa. Siri kiyenikis ajoko ka lumam kiyuunito, konye kolomutu kama ejaas ngin!" ekoto Edeke atiakar kotoma akwapin. Ekoto Ngesi aimorikikin kede jo, Nges Elopel. Ido emamei aisisianakin naka atukosia nuismamaunit etunganan, ediini, arai nuepeleunit etunganan nuepote aibwo. Ebuni ayangaikin Edeke, Emoyo Lokalaunan kotomakon, kanu aisukunyun ijo mama ejai Edeke. Ido ikwaikini ijo ai kijenuni ebe idum ijo Emoyo Lokalaunan? Emoyo Lokalaunan loabu kiwadik Akirok, ebuni acamanar kede Akirok; ido iboro ngupengul luabu Ngesi kismama kotoma Aitutuket namojong, ebuni Ngesi aswam iboro ngupengol kotoma Aitutuket nakitetet; ebuni aswam kwana iboro ngupengun, naarai Yesu Ngopengol bian, lolo, ka ikar kere. Ido mam jo kiyenit ajoko nepepe ka atukosia ka akwapin. Mam jo kiyenikina ajoko nepepe ka kes. Siri kiyenik ajoko ka kes kamakec, konye kolom kinga kamakec! Iyenikinit ijo ajoko nepepe ka Kristo. Amen. Ayenikina ajoko mama ejai Ejakait Yesu.

108 Ebala Ebaibuli ebe, kotoma apaarasia nukawasia, ejaunos ikanisan, aduketait nawojan ace naesubit bala nako Babel. Epote ajaun ka aput naka ayongit Edeke, konyer kongeritos Akirok naka Edeke kede apedorike, apedor naka AkirotoKe. Ido inyobo Akirok? Inyobo ajakanut naka Edeke? Ejai oni Alomar toma ajakanut eringa ber oni kirauna itunga luipugat Ekabaka. Idobo kejenete ngun, kotemasi "Amen." [Kotemari ekodet "Amen." -Ekewa.] Eebo, epone ali ilomara ijo toma ajakanut? Ajakanut naka Edeke nges Akirok inyakinitali kotoma apedor. Amen. Ituluoritai apedor; alemanar adiakar, ainanakin aanyununeta. Aanyunet naka epone ali? Arai erai Akirok ngipengin abu kitolom Musa kinga, ebuni ayaun Aanyunet ngipengin.

Ibore ngipengin yen atiakari Lot loajalam. Kwana, kijeni oni ebe ajalam Lot, ido abu Yesu kotema ebe ebuni ngin araut Aanyunet naka awasia. Lot loajalam iboie kangina, ediinikinit ngesi, nabeit, nges kede ekeberu. Ido ajaasi kesi toma ponesio kere luka asuban nuka ainumunum, ido arai ngesi ekayaiton loka eibuga, ido, oo, ajaasi iboro luepu luajaasi iswamasi. Ediinikinit ngesi noi. Esipeji ngesi ikalimonokinak kede ngun kere luaponenenete, ajok nges kanen. Konye, oo, onac, mam nges arai loseuna.

109 Koany nuapotu kismamaunos! Inyo? Edeke Ngopengol Loabu kotiakar kosodi abunere aitodikin Aburaam aitigogonget naka atiakaroke...Uhm! Wu Edeke! Epone loeneketo eong, aiswam icebore kanu yes amisiikin nu. abu Edeke kitodik Aburaam, naarai atiakara Aburaam, abu Ngesi kitodik Aburaam aitigogonget baka kangun, ebe ejai Ngesi kede Aburaam ido kojai toma akidingos. Ido abu Yesu kotema ebe ebuni ibore ngipengin aismamaun kapaarasia nukawasia. Mam aburam arai ateker, ajai ngesi toma kalu ekidioko, konye ajaas Edeke nepepe ka nges. Apolouke atiakarit Edeke nges. Ibusakininit oni atiakar kapaarasia nukawasia.

Ido arai abu Edeke koinakinite Musa Aanyunet, mam ejai Isirael, Enabi loinyonyoikinitai, Epir loka Akim, abu koinak Aburaam Aanyunet. Abu Ngesi koinak Aanyunet mama ejai Isirael. Abu Ngesi koinak Aanyunet mama ejaas ikiyakia. Aanyunet ngipengin, kanginiduc! Aanyunet ngipengin, Epir loka Akim!

Paul, neajaar ngesi orotoke alosit Damasiko, abu Epir loka Akim kocau koingareneke, lo da abu kitumudak akonyeneke, kosodi ainakin nges akukokin kwap. Emamei bobo icetunganan abu koany Epir ngol loka Akim. Kanginitunganan ejai ebwoi kanen, mam kes apotu koanyutu. Kotema da eporoto atiar, "Saul, kanukinyo kireitor Eong?"

Kotema ngesi atiar, "Ingaibo Jo Ejakait?"

Kobongok Ngesi ebe arai eong Yesu Loireit ijo." Aanyunet! Ido inyo arai ngesi? Ekiyakia mama ejaas imo. Amen.

110 Kane ijai oni toma angeset naka apak, abunere anyoun kokide ka to, agolitome ka ngalakimak. Inyo ijai oni aswam? Akapakin kanu auruporio. Akapakin kanu...asalakin kisipo aitodol neilelebunor nginiwai kere kede Emoyo Lokalaunan. kolosi do Ateran kaju. Oo, otukui! Anyaraun itungaKe nepepe mama ejai Ngesi elopet, kotoma oipeone lokabeit nepepe kede Nges Elopel, naarai erai EmoyoKe Lokalaunan ediopet bon.

"Kemoyo ediopet kibatisaikin oni kere idiopendiope toma akuan adiopet, nepepe akuan naka Yesu Kristo." Ido Yesu Kristo ejari kede EmoyoKe kotoma awatewok, ejai Ngesi aijanakin Ekanisa kiswamai da iboro ngupengun luabu kolo Ngesi kiswamate, kwape a -kwape Aanyunet, kwape Aanyunet mama ejaas akwapin, ebe ijai oni toma apaarasia nukawasia, akapakin kanu auruporio. Oo, amina eong Nges, ijo da kimina Nges?

111 Ajatatar bobo eong eitabo ne, konye mam eong apedori aingikokin bobo apak naewoj, eitokin apak noi. Aticepak kinyikokini bobo apak ace.

Ijai oni awasia. Eipeone. Ijo irai cut ipei nepepe ka Edeke? Ngol nges epone loebeitor ijo ajaut. Eebo. Ejai oni araun ipei nepepe ka Nges aitodol...Kojaun aujen najai toma Kristo tomakus. Kebuni do Kristo nejaar aijeneKe tomakon amisiikin kanginikirot kere nabu Ngesi kiwadik. Abu kojaun toma naka ikiyakia, atiakatiak ikokoron koipone kalo ibecokina, nerai Abeit, kiany, Emoyo Lokalaunan. arai erai Ngoin Abeit, kanuka ngun ebuni aitijenar ngun, koipone lo ayaun Aanyunet ngipengin nabu Ngesi koinak Musa, Aanyunet ngipengin nabu Ngesi koinak Aburaam, aanyune ngipengin naabu Ngesi kiswama kama ejai Kristo, Aanyunet ngipengin nabu Ngesi kiswama kama ejai Paul. Ijai oni toma awasia. Ejai Ekanisa atukokin nepepe toma aimorikikin, ipei ne ka ipei kalaije, ailelebikin.

Abu Ngesi kotema, "Ejaunos iare omanikor, ayangari eong ipei." Ipei. "Iarei komanikor," erai ngin kotoma aidweny naka apaaran, "ayangari Eong ipei ido ajalakin ipei. Ejaunos iare toma akapet," owai je loka akwap, "Ayangari Eong ipei kasodi ajalakin ipei," kotoma abongun naka Okoku loka etunganan. Ido erai naeyapie noi, eyapie kwana noi.

112 Siri! Siri, Adam! Adam! Keba, Adam, akoto eong acelakin mama ijaas yesi, siri kipupokis aingal naka ajokit bobo. Kosalakisi kede Akirot naka Edeke, erai Ngoin NUINERA EJAKAIT. Kosalakisi kede AkirotoKe. Atiakar awai kama ejai Akirot naka Edeke erai aibil eidicanekus nepepe kede Edeke, eipeone loka Edeke kama ejai Emoyo Lokalaunan. kanuka ngun arai kinera ijo ebe kijatatar kede Emoyo Lokalaunan ido komam icamanara kede Akirot, kanuka ngun mam jo kijatatar kede eipeone nepepe ka Edeke.

Erai lo eipeone loka Edeke, ne ijo... ne ecamanarotor emoyo loijatatar ijo kede Akirot, kosodi aitodir Akirot na ka ainakin Akirot na araun apedor kanu aswam kwape abu kiswama kangina.

Kalimutu ngin nepepe. Eipeone [Kotemari ekodet, "EIipeone"-Ekewa.] kede Edeke ["Kede Edeke"] nges ajaut ["nges ajaut"] Emoyo loka Edeke ["Emoyo loka Edeke"] tomakon ["Tomakon"] kocamanara ["Kocamanara"] kede Akirot ["Akirot"], Akirot kere ["Akirot kere."], kede ainakin Nges ["Kede ainakin Nges"] itodiara ["Itodiara"] kotoma apedor ["Kotoma apedor"]

Nges bodo ngin, eipeone ngol nepepe ka Edeke. Neiswama apedor ngin kotomaka, kiswamai kotomakon, irai do oni ipei. Amen! Onac Kidd, neiswama apedor naka Emoyo Lokalaunan loejai tomaka kotomakon, emamei amamus acamanara, ejai Akirot nen. Iswamai. Amen. Einakini Akirot araut naerai Ngesi, Edeke enapi akuan kotomakon kitorite toma AkirotoKe. Akirot ituluoro apedor kamakus, kanginikirot!

113 Kwana, kiitutu ebe, eyangari ajokit naepol kotoma Akirot kangin, nepetai akaisakanyikaongon kalukanyikaongon kede akaisakanyikaongon kalukanyikaongonkangulukwatat naka Akirot kangin. akaisakanyikaongon kalukanyikaongon luka akwat, kede akaisakanyikaongon kalukanyikaongon luka akwat, iswamauni ngesi Akirot ngin ejok cut, konye eporori ngesi awai kane, ido ngin nges naeyangauni atwanare kanen. Etubi ngin erikot kokiding cut, kibiror do jo kwap.

Kanginikirot! Nunyoeka abu Yesu kotema? "Mam etunganan ejarenenei kanuka atap bon, konye kanuka nginikirot kere!" mere kanuka Akiro adis bon nges ejarenena ngesi, mere kede akaisakanyikaongon kalukanyikaongon kede akaisakanyikaongon kalukanyikaongonkangulukwatat naka Akirot naka Edeke. konye kanuka nginikirot kere naelomuni kakituk naka Edeke, ebuni etunganan ajarenen kotoma.

Abu Satan koyanga nges kuju ngina kosodi atemar ebe, "Iwadikatai!" kiany, kwape abu ngesi kotemara Keba atiar, "Iwadikatai! Iwadikatai!"

Kotema Yesu atiar, "Iwadikatai bobo..."

Abu ngesi kotema ebe, "Iwadikatai ebe, 'Einakini Ngesi imalaika aidar Jo.' Abala Ebaibuli kwangin!" inyek alimok, erai ajikit naisisiat. "Iwadikatai, Einakini ikemalaikan aidar Jo, Kidakete Jo kakaninikec, kinyek amoru aiguiakin akonikeju."

Kotema Yesu atiar, "Iwadikatai bobo ebe, siri kikodununei Ejakait Ekonideke."

114 Kotewasi atiar, "Ijatatar sio kede ekokoro," Aswamisio 19, ibatisat sio Yokana."

Ajatatar Paul kede icebore yen etegelikina, kotema atiar, "Mam bobo ngin iswamai." Kiany? Abu Yokana kibatisai..." mam erai ebe mam nges eyuunit akirot naka Yokana. Abu kotema ebe, "kalimok nuabu Yokana kotema. Abu Yokana kotema ebe ibatisai ngesi aibatis naka aitoronokin, mere naka aisionio naka

adiakanareta." Mam ber ayaritai asubanit, kiany. abu ngesi kotema ebe, "Ebatisai ngesi aibatis naka aitoronokin, kobala ebe ibusakinit yes aiyuun Ngol Loebunit." Ido nekeiiratar nu, kibatisai kes Kokiror loka Ejakait Yesu Kristo. Kidokok Paul akanin mama ejaas ngul luelelebasi kede Akirot, kodoik kes Emoyo Lokalaunan. kogeutu aidwar, einer kede angajepa, aitopolorit Edeke, ido otukui apak ngin! Oo, otukui. Apol bo ekanisa ngol biai? Itomonkaluarei. Eebo. Oo, mam Edeke iswamanar kede ikepuak, iswamanar Ngesi kede itauon luipiororoete. Ekoto oni da ajaun kede itauon kwanat kangun. Yesi iminasi Nges? Kelipa.

115 Oo, yeniminataka yen irimokinit, ijo kisesen adwe nuka Moab arai ijo kianyunit adwe (enera eong nuka ikanisa nuka) nuka Kain? Epone lo aolioratar kesi alwanis toma akwapin! Ijo kianyunit, opaperoka lominat, ijo kiany ebe kapaaraisa nukawasia etodolikin iboro lu? Ijo imisiikinit pace pone loetodianarer Akirot naka Edeke? Eipone loajoniora aisikwarunio na abu kojaun, mam ipu nuesalitos? Inyobo ngin? Erai ngin ainapakin akaulo eringa ikwamin egeuna. Ekapakina itubesia. Ijo ijai lem imisiinikini iboro lu? Ijo itirian ekokoro kede ekokoro, Akirot naka Ebaibuli kede Akirot naka Ebaibuli, aitigogonget kede aitigogonget? Ijo ituput Akirot naka Yesu, nabu Ngesi kotema ebe ebuni ajokit kapaarasia nukawasia...ebuni araun naeyapie, bala ibore ilopet, aitodol neingalara itunga kere kilema luseuna. Lueseunitai. Kowomoom ber jo, aisisianakin nin naka ikokoron ebuni araun naejai die cut noi! "Oo, iyuunit oni Emoyo Lokalaunan, ituritete Edeke ikar kere! Ijatatar sio kede Emoyo Lokalaunan, iner sio kede angajepa." kirimokinitos kane kongeriots Akirot? Eebo, kiany, ingalarete luseuna da arai kepedoros.

116 Arai ejai icetunganan toma ne yenimam edolit kama ejai Edeke, arai ejai icetunganan yen ejai toma ne kodeka ido korieba... ejaas itambalan kede iboro ice ne, alosi eong ailipakin kes. Mam eong apodo arai inyo ipuda jo. Kanginisumunet naejai toma oitabo erai naebait ijo. Erai nakon.

Kwana ayaik eong yes Akirot, alemunit eong kotoma Ageun aibwaikin toma apak naijari oni kotoma, ainomonom aiboisio kede aitodinikin yes. Akwap nuipu nuka aiboisio nuti enomonom eong kilema nu, emamei eong apak. Konye nabeit, kotoma kangun, ipedorete yesi aanyun ebe iboro luka atukosia lu ejaas awai, erai amisiikin naka aingal naka Ajokit, atamit atukokin etunganan kede aimorikikina naka aijenekec kede awomoom.korai kereka Emoyo Lokalaunan Nges kimorikikinitere oni kede Edeke kwap ipei. Ido ecamanara Emoyo Lokalaunan kede Akirot naka Edeke. Kiany, ebala Ebaibuli ebe, "Ingalarete luseuna da arai kepedoros." Itei jo neibwoia oni?

117 Kwana kolek Akirot na naka Edeke kede akan naka aiyuun. Inyo ipuda jo kotoma atupuruc kana? Ijo ipuda aibatisawo naka akipi kokiror loka Yesu Kristo? Engaara neibatisaere. Ipuda jo aibatisawo naka Emoyo Lokalaunan? ejai Ngesi etamit aicikakin erot lo koloma tomakon. Ijo ejai eipud loka angaleu? Inyobo? Emoyo Lokalaunan Ngopengol, Akirot naitaraunitai apedor, ejai nepene kwapekwana, apedor ngipengin naemisiinikini aiyeyea naka itauon naejai eseseni ekodet kane kwana ido koseseni aica ngin nairimirimi ne bala atala.eong alimokinitor yes idiobore yen ibucara? [Kotemari ekodet, "Mum." -Ekewa.] eong cut alimokinitor yes?

Kwape -kwape abu Enabi kotemara mama ejai Isirael eringa kes edumuna ekabaka lotunganan, ebala ebe, "Eong alimokinitor yes idiobore...Eong ayangaritor ikusisirigin? Eong abunitor kasodi ailip ikusisirigin kasodi alosit kane eboie kotoma aiboisio nuikiara nukapolok ka aiduk iboro lukapolok kasodi ayangar isiriginikus kamakus? Eong engisitor yes edio kapu?" "Mam nepecepe."

Eong alimokinitor yes idiobore Kokiror loka Ejakait kilema ngun bon nuabu Edeke kitodolik? Eong eneritor KokiroriKe kilema ngun bon nuabala Ngesi? Eong alimokinitor yes aitapoet kilema ngun cut nuabu itunganan arai etunganan lopejon, arai kere yen arai itunganan ngin konyou aibwo kosodi aitigogong kotema da ebe "eraas ngun abeit"? [Kotemari ekodet, "Mam." -Ekewa.] kanuka ngun akoto eong alimokin yes kwana, INERA KWANATA EJAKAIT, ijautu Emoyo Lokalaunan, Emoyo Loelemuni Akirot naka Edeke kede akanin ngun nuka aiyuun, kosodi aikunyar ngina. Ajakanut kere erai nakus. Erai nakus, idwe.

118 Kanukinyo ibunia ijo ameun ko Georgia, anatar akwap na kere, ko Ohio, ameun ko Kansas, kanginiboisit kere, kanu airiamun nadidi na? awomit eong bala agwetar atepu kwana, kanuka ngun, apedori eong alimun na. kiany? kanukinyo kipunatar yesi koipone kalo? Inyobo? Aseseni eong itunga lueponitos ko Arkansas, akwat nuka amairon kane elwana.

Akuare natubor onac ece loko Polish loebwoi kokau kangina loelomunit koKansas, kobu kotoma aingarenikinio, ebala ebe, "Onac Branham, ageun ne eirara eong nuikamunitos ijo kolo kangina ko Canada ikar luipu kokau, iboro lukiany ijo kede aswam, aanyana eong kes, ngaren kede kau, kuju kede kwap," kosodi atemar, "Mere karaida ipei ibucara." Epedori aticepak ngesi korai Etulikit loko Polish, kobuni ngesi, ayangar atepun, kolosi kinga ngina aboliakin atepun ngun, airiamunun kede iketepegak. Ikejanakinak luebeit ti ajaut kede eong ka aingarakinite oni, konye kongeritos apedor naejai nen, angerite Abeit naka Akirot, ido kineras ebe ejatatar kede Emoyo lokalaunan.

Mam eong anyaraikina bon ebe Enabi. Yes kes iswamatos ngun. Konye, arai erai kwangin, apolouke aibo ebunitor Akirot naka Ejakait? Ikwaikini oni kijenuni biai arai erai Akirot ngin Abeit araibo mam arai emamei icebore yen igangit Nges? Ngin nges Akirot naka Edeke na, Akirot nakiwadikatai. Kanuka ngun arai kigangang Akirot nakiwadikatai, apolouke erai Edeke Nges ejai tomaAkirot Ngin kanu ainakin Ngin

araun Abeit. Abu Paul kotema, "Otupata eong, kwape atupitor eong Kristo."

119 Kwana arai kijatatar ijo eipud loka Edeke kanuka ariebo, kanu aitajario, inyo...arai alemar...ace kotoma yesi angor numam kidumunitos asianut nailosikina kanu ajalakin ikusitim apolo, ice kotoma yesi ikiliok lumam kidumunitos asianut nailosikina kanu aijal aimat esigala, ice kotoma yesi ikalimonokinak lumam kidumunitos asianut nailosikina kanu acamun aibatisawo naka akipi Kokiror loka Yesu Kristo, ice kotoma yesi itunga luidekasi, ido idekasi kiton atwanare, kanukinyo mam yes kiyangaratar Akirot na atupuruc naka lolo. Alimokini eong yes kwana, erai akuan nges akidingosiwok! Koyanga Akirot ngin toma akanikon.

Ejai aput ikaja kane arwatat, naka emalaika loka Ejakait, ngopengol loengarenikinit odwe luka Isirael, ngopengol loabu kiriamun kede Paul, ngopengol lokejai toma Kristo. Ido Emoyo Lokalaunan ngopengol ejai tomakon, tomakus, ejai aimorikikin yes kwape ipei. Inyo einakinit itauonowok abunere nepepe kotoma akwat nuka amairon? Emamei ibore kwanat kangin kotoma akwap. Ejaas kesi abunere mama ejai Akirot.

120 "Ejai ekicoi loileleba aokot, aokot nuigaunitai kotoma amorito nuka Emmanuel, ne elumoratar lumam iyuunitos kwap naka akale kangin, elemar amasikinet naka atubokiniokec. Ameun kolo kede aiyuun, abu eong kaanyu atan ngin, nalibunit kotoma ajimisiKon, ayuunun amin nges duc erai nuepolok kamaka, ido epote araun kiton neatwania eong."

121 Papa kosi Loejai toma Akuj, ejaas itambalan etukosi kane, nuenapio akanin da, eponi aticepak aijukar kinga. Mam eong ajeni ebe lubo kangai ibwaikinitos kesi ne, aticepak Bill, aticepak itunga luejaas toma okodet. Apupi eong kwana aswam nu, Ejakait. Emamei idiobore kotoma akaninika, emamei ibore kotomaka kwape etunganan, mam eong apedori agongakina mama ejai aijeneka naka etunganan. Mam eong ajeni ibore ejatatar nu koipone kalo, konye ajai eong atupite nuabu Jo kotema. "Apotu kesi lolemutu itambalan kama ejai akuan naka Paul kede airiameta nuka igoen, konyoununete imoyon lukarokok kama ejaas itunga." Mam arai kanu naarai kerai ngesi etunganan loaumokina, kerai kanu naarai kejai Edeke ka nges kotoma Akirot kede apedor. Ido mam nges kingitunitor imodiobore kama ejaas ikiyakia, konye abu kojenu nekeriamunotor nepepe ebe kerai eijiri ediopet, Eipone ediopet loka aibatis, inginibore kere yen eswamaete kesi aputo.

122 Kwana ajai eong kengisit, Ejakait, kanu aitunga luminan luiyuunitos Jo lu, ebe itangaleu kes. Ngul luejaas okodet, itangaleu kes, Ejakait. Kodolok aiyuunikec kuju kosodi aikamun Akirot nginkopekwana, kosodete atemar ebe, "Abutuikin nakotoma, ariebo, aronis, konyou, ajai eong aitub kede ekileng loka Edeke! Ajai eong aiyuun! Egogong aiyuunika. Ajai eong airupakin ekileng koloma toma cut. Konyou awai korotoka! Ajai eong anyoun koicolongoka, kanu angaleun." "Ajai eong aidokokin akakan mama ejai papaka, mama ejai ikakoku, mama ejai eidunyeteka. Ajai eong eyuunit. Erai AkirotoKon Abeit. Ajai eong toma oipeone nepepe ka Jo. Aswamisio nuibala ijo ebe abu jo kiswama ebe kiswamai sio da. Ejakait Edeke, eyuunit eong kanginikirot kere. Ido ajai eong abunere ngaren, abunere ngaren kanu aiburaun ngun, kanu alemun ngun atupuruc naka lolo."

123 Wu Edeke, epone loapedoria eong awomoom, ebe ejai ekanisa toma alosit, ne akurianaror Musa kokwap kangina kangolol, kogeuni ngesi aimony mam Ejakait. Kotema Ejakait atiar, "Kanukinyo kimonyia mam ajai Eong? Kinyobo kimonyia ijo mamaKa? Kiner, kolototo ngaren! Mam tope eong kainakinit ijo aswam ngin? Kiner! Einer inyo? Akirot naka Edeke. "Ejai tomakon. Kiner kolototo ngaren. Siri kimony mama ajai Eong. Kolototo ngaren."

Ido Ejakait, lolo abunit eong kotoma Okiror loka Ejakait Yesu. Abunit eong katingite ekileng lo loka aiyuun, aiburaun eipeone loka Edeke kede etunganan mama ejai Emoyo Lokalaunan, etorite toma aitimesia kede asubanit naka Yesu Kristo OkokuKe. Angerokini eong adiojokit kere naeyenit idiotunganan kotoma aduketait kana, arai erai itunganan ngin esapat araibo nat apese, ekiliokit araibo nat aberu. Angerokini eong kanginiriebo kere. Angerokini eong kanginibuonokin kere. Angerokini eong kanginikuriau kere. Angerokini eong kanginibore kere yen mam erai yenika Edeke, konyou kama ejai ekodet lo Kokiror loka Yesu Kristo! Kolomu kinga naka ekodet, tetere sio ipedori araun ipei nepepe kede Edeke kosodete aijanakin Edeke komamei ariebo kede akuriau. Kopedo apedor ngin naetuluori sio ipei nepepe kede Edeke... Eipone ali epeedora ajokit ngin eirem kama ejaas luinyonyoikinitai? Eipone ali epedoria ajokit aibwo kokinga kane kosodi eirem bala Giliis? Neabunia Daudi toma atukos, kosodi atemar, "Apolouke apotu yesi kocamakisi ipilisitiat ngin yenimam ekepitai amunaun ajoresio nuka Edeke Lokajaran?"

Wu Edeke, koinak ikiliok kede angor kikeunos kotoma apedor naka Emoyo. Acamakin ajokit ngin namam ibelokina, naabu kimusung etungananane anatar aturio kere, aibwo kane kosodi amunaun ekanisa loka Edeke lokajaran? Satan, kolomu kinga, ido konyou, Kokiroro loka Yesu Kristo!

124 Kwana, ijo yenijatatar kede Agogong naedolit kanu acumakin ekileng, kwape kwana kidumunia ijo aijen nailosikina kotoma Akirot naka Edeke kanu aiburaun ngin araun iborekon obe, ingai epedori alemun Akirot naka Edeke kwana kotoma akanikon, koting kede akan naka aiyuun, kosodi atemar, "Ayangari eong ewaika kede Ejakait. Alosi eong araun ipei nepepe kede Edekeka, ageun lolo kiton apaaraisia kere. Erupakini eong ekilengika loka emoyo toma Akirot na, ido alosi eong aitub ajokit kama ejai adiosumunet kere na abu Edeke kisumun eong."



Arai kiyuunit ijo ngun kede etaukon kere, kelipi eong jo kede aitasiono naka etauka kere, Kokiror loka Yesu Kristo, konyou aibwo kosodi acamun ngin. Ijo kilosikinit ngun? Ijo inera abeit? Akivot ejai toma akanikon? Akanikon erai aiyuunikon? Ikeik Edeke akanikon, kotema, "Edeke, kotoma kanu, kede akanika naikiyaritai kuju, esumuni eong aijaraka. Esumuni eong etauka, esumuni eong awomoomoka, esumuni eong nginibore kere mama ejai Akivot naka Edeke. Koyanga kwana Emoyo Lokalaunan aiyuunika kosodi ainakin eong ibore. Otubo abunokin kere kamaka. Ido kede aiyuun, ejauni eong aisumunet naelipit eong, kotoma apak kana."

AArai kiyuunit ijo ngun, kotema ebe, "Amen," kwana. [Kotemari ekodet, "Amen." -Ekewa.] kotema ebe, "Amen," bobo. ["Amen."] Amen, amen, amen! Kanuka ngun, arai kilosikinit ijo ngun kede ekonitau kere, Kokiror loka Yesu Kristo, esumunikini eong jo ngun nuilipit ijo. Amen. Ijo iyuunit ngun kede etaukon kere. Kisirereng Edeke.

Onac Neville.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7